

DECRETA


IN

PROVINCIALI SYNODO SVRRENTINA

Sub Reuerendiss. Iosepho Donzelo
Archiepiscopo edita. Anno
1584. Mense Maij.



*Synodus Diocesa-
na de anno
1585. Liber pag:
118. =*



VICI ÆQVENSIS
Apud Iosephum Cacchiū. M. D. LXXXV

A. F. 2020

1/200000

- 1200 - 1200
 - 1200 - 1200
 - 1200 - 1200
 - 1200 - 1200

of no value

4887




3

IOSEPHVS DONZELVS

*Dei, & Apostolicae Sedis gratia
Archiepiscopus Surrenti,*

Prouinciae nostrae fidelibus salutē in Domino.



COLLEGIMVS
sanctiones tam no-
strae Ecclesiae atq̃.
Prouinciae per nos,
& nostros anteces-
sores diuersis tempo-
ribus promulgatas, quàm etiam non
nullarum ecclesiarum, atq̃ prouincia-
rum à magnis praesulibus editas, &
ab Apostolica Sede comēdatas, & ap-
probatas, quas ad rem nostram, seu
Christi potius, et animarum salutem,

A 2 nobis

nobis ac nostris comprouincialibus E-
 piscopis creditarum salutem, de con-
 silio atq³ assensu eorundem Reueren-
 dissimorum coepiscoporum, pertinere
 iudicauimus. Et in postremis nostris
 prouinciali, & dioecesana Synodis
 in pleno confesso recitari, publicari,
 manibusq³ atq³ oculis omnium ita ex-
 poni fecimus, ut nulla earum ignoratio
 quempiam subiectorum possit excusare.
 Nunc vero plenius illarum firmitati, at
 q³ obseruationi consulentes Typis excu-
 dedas curauimus, ut quae quisq³ in co-
 ciliaribus sessionibus publice pronun-
 tiari, atq³ decerni intellexit, ea domi,
 & horis, quibus magis libuerit, memo-
 ria repetat; & quantum in se est fir-
 ma, atq³ inconcussa esse velit, & effi-
 ciat. Nihil enim in ipsis non utile,

non salutare, non necessarium inueniet, nihil factu difficile, si sola aderit faciendi voluntas; quam, cuiq; à Deo bonam, beneplacentem, atque perfectā precamur. ut ex eo facile intelligat nullas esse diuitias excellentiores non alibi sitam humani generis felicitatem, quàm in ipsis sacris legibus obseruandis, & in sancta vocatione, qua quisq; à Deo se vocatū agnoscit, (ut uirum, & Christi sectatorem decet) dignè progredi teneatur, atq; diuinū opus non negligēter tractet, quod reprobum est, & maledictum, sed illud ex toto corde, ex tota anima, ex totis viribus diligat atq; amplectatur, sicut et Christus nos immeritos, & nostram salutem ita dilexit, ut nullis incommodis, laboribus proprio sanguini,

*nec vita demum pepercerit thesau-
 ros, & ipsum celeste Regnum nobis pa-
 te fecerit, obtulerit, ipsiusq; Regni, et
 thesauri indeficiētis claues, apud nos
 ipsos homines, sacerdotes. s. p̄sules, sum-
 mum precipue Pōtificem perpetuò es-
 se voluerit, sola mutua inter nos et er-
 ga Deum dilectione, atq; obedientia
 erga maiores nostros pretij loco con-
 tentus. Eia igitur fratres carissimi
 tam magna prēmia, nunquam peri-
 tura, tam paruo impendio, ac breui
 finiendo labore vobis parate. Nosq;
 vestra virtute atq; orationibus iuua-
 te, nè oneri, (quod quàm graue, &
 longè impar nostris viribus sit, in dies
 magis experimur) succumbamus, ve-
 straq; omniū saluti, qbus tenemur me-
 dijs plenè cōsulamus. Valete in Dom.*

De fidei professione, & iuramento præstando.



A C R I Tridentini Conc. au-
thoritate suffulti mādamus, vt
omnes intereſſentes Synodis dio-
ceſanis, vel prouincialibus om-
nia, & ſingula ab eadem Syno-
do ſtatuta palam recipiant, ve-
ramq; obedientiam Sanctiſſ. D.
N. Papæ ſpondeant, hæreſes
omnes publicè deteſtentur, ſi-
dem eiſdem profiteantur ver-

bis, quibus formula Sanctiſſ. D. Pij Papæ iij. præſcripta
eſt. videlicet.

Ego N. firma fide credo & profiteor omnia & ſingula,
quæ continentur in Symbolo fidei, quo Sancta Romana Ec-
cleſia vtitur, videlicet. Credo in vnum Deum Patrem om-
nipotentem, factorem coeli & terræ, viſibilem omnium
& inuiſibilem. Et in vnum dominum Ieſum Chriſtum
filium Dei vnigenitum: Et ex patre natū ante omnia ſecu-
la, Deum de Deo lumen de lumine, Deum verum de Deo
vero. Genitum non factum, conſubſtantialem patri, per
quem omnia facta ſunt. Qui propter nos homines & pro-
pter noſtram ſalutem deſcendit de cælis. Et incarnatus eſt
de Spiritu ſancto ex Maria virgine, & homo factus eſt.
Crucifixus etiam pro nobis ſub Pontio Pilato, paſſus, & ſe-
pultus eſt. Et reſurrexit tertia die ſecundum ſcripturas.
Et aſcendit in coelum, ſedet ad dexteram patris. Et iterum

Venturus est cum gloria iudicare viuos & mortuos, cuius
 regni non erit finis. Et in Spiritum sanctum dominum &
 viuificantem, qui ex patre filioq; procedit. Qui cum pa-
 tre, & filio simul adoratur & conglorificatur, qui locutus
 est per prophetas. Et vnā sanctā catholicā & apo-
 stolicā Ecclesiam. Confiteor vnum baptisma in remis-
 sionem peccatorum. Et expecto resurrectionē mortuorū.
 Et vitam venturi seculi. Amen. Apostolicas & ec-
 clesiasticas traditiones, reliquasq; eiusdem Ecclesiæ obser-
 uationes & constitutiones firmissimè admuto, & ample-
 ctor. item sacram scripturam iuxta eum sensum, quem
 tenuit & tenet sancta mater Ecclesia, cuius est iudicare
 de vero sensu, & interpretatione sacrarum scripturarum,
 admitto, nec eam vnquam, nisi iuxta vnanimē consensum
 patrum, accipiam & interpretabor. Profiteor quoque se-
 ptem esse verè & propriè Sacramenta nouæ legis à Iesu
 Christo domino nostro instituta, atque ad salutem humani
 generis, licet non omnia singulis necessaria, scilicet Baptis-
 mum, Confirmationem, Eucharistiam Poenitentiam, Ex-
 tremam unctionem, Ordinem, & Matrimonium: illaque
 gratiam conferre; & ex his Baptismum, confirmationem
 & ordinem sine sacrilegio reiterari non posse. Receptos
 quoque & approbatos Ecclesiæ catholice ritus, in supra-
 dictorum omnium sacramentorū solemni administratione
 recipio, & admitto. Omnia, & singula quæ de peccato ori-
 ginali, & de iustificatione in sacro sancta Tridentina Sy-
 nodo definita & declarata fuerunt, amplector & recipio.
 Profiteor pariter in missa offerri Deo verum, proprium;
 & propitiatorium sacrificium pro viuis & defunctis: atq;
 in sanctissimo Eucharistie sacramento esse verè, realiter,
 & sub-

& substantialiter corpus, & sanguinem, vna cum anima
 & diuinitate domini nostri Iesu Christi, fierique conuerfi
 onem totius substantiae panis in corpus, & totius substantiae
 vini in sanguinem: quam conuersionem Catholica Eccle-
 sia trās substantiationem appellat. Fateor etiā sub altera tā-
 tum specie, totum atque integrum Christum verumq. Sa-
 cramentum sumi. Constanter teneo Purgatorium esse, a-
 nimasq; ibi detentas fidelium suffragiis iuuari. Similiter
 & Sanctos vna cum Christo regnātes, venerandos atque
 inuocādos esse, eosquē orationes Deo pro nobis offerre, atq;
 eorū reliquias esse venerandas. Firmissimē assero Imagi-
 nes Christi, ac Deiparae semper virginis, necnon aliorum
 Sanctorum habēdas, & retinēdas esse, atq; eis debitū hono-
 rem ac venerationem impartinendum. Indulgentiarum
 etiam potestatem a Christo in Ecclesia relictam fuisse, il-
 larumq. vsū Christiano populo maxime salutarem esse af-
 firmo. Sāctā catholicā & Apostolicam Romanā Ecclesi-
 am omniū Ecclesiarū matrem, & magistrā agnosco. Ro-
 manoq; Pontifici beati Petri Apostolorū principis successo-
 ri, ac Iesu Christi Vicario verā obediētiam spōdeo ac iuro.
 Cetera item omnia à sacris Canonibus, et oecumenicis Cō-
 cilijs, ac praecipue a sacrosancta Tridētina Synodo tradita,
 definita, & declarata, indubitanter recipio atq; profiteor:
 simulq; contraria omnia, atq; haereses quascunq; ab Eccle-
 sia damnatas, & reiectas, & anathematizatas ego pariter
 damno reuicio & anathematizo. Hanc verā catholicam
 fidē, extra quā nemo saluus esse potest, quā ī praesēti spon-
 te profiteor, & veraciter teneo, eandem integrā & inio-
 latam vsque ad extremum vitae spiritum constantissime
 Deo adiuvante retinere, & confiteri, atq; a meis subditis,
 vel il-

vel illis, quorum cura ad me in munere meo spectabit, seneri, doceri & prædicari, quantum in me erit, cura surum. Ego idem N. spondeo, voueo ac iuro. Sic me Deus adiuuet, & hæc sancta Dei Evangelia.

T E S T E S vero synodales, ultra prædictam professionem, etiam iuramentum præstent, hac videntes formula: Ego. N. testis synodalis spondeo, quod amodo in antea, quicquid audiam, uel cognoscam contra legem Dei & rectam Christianæ viuendi rationem in diocesi michi commissa, & ad meam cognitionem quocumque modo deuenierit semoto omni timore, prece, pretio, vel amore, nullatenus celabo quandocumque; veritatē à Reuerendis. meo Episcopo exquiri contingerit.

E L E C T I omnes, prouisi, vel presentati ad officia, vel beneficia ecclesiastica non admittantur, nisi prius huiusmodi iuramentum emittant scilicet Ego. N. electus &c. per hæc sancta Dei euangelia iuro, neque me Beneficij vel officij obtinendi causa, quicquam collatori, & patro no, electoriue promississe, nec me sciente à quoquam datum, uel promissum esse, ita me Deus adiuuet. Quod iuramentum in manibus ordinarij præstetur, antequam admittantur ad possessionem.

P A R O C H I, fidei professione emissi se Sedi Apostolicae, & Episcopo suo, eiusque successoribus obtemperaturos iuxta sacri Concilij Tridentini decretum; residuum facturos iuxta Pij 4. determinationem; iuramentum præstabunt; iura Ecclesiarum parochialium, quibus præsumt, pro uiribus suis defensuros, bonaque earundem Ecclesiarum conseruaturus, non alienaturus; quæ uero iniuste vendita à suis prædecessoribus, vel alienata fuerint

runt, quantum in ipsis est, se recuperaturos.

C O N C I Onatores, ubi primum in aliqua ciuitate, siue diœcesi sunt concionaturi, fidei professionem, iuxta formam præscriptam in bulla Pij 4 emittant, nisi docuerint se alias eandem emisisse.

E X A M Inatores ipsorū Parochorum, aliorumq; clericorū in Concilijs his deputandis, si modo haberi possunt, magistri sint, seu doctores, aut in Theologia licentiati, iuxta sacri Concilij Tridentini præfinitionem, qui se fideliter susceptū onus exequuturos iurare debeant. nec quicquā occasione examinis ate, uel post prorsus accepturos.

L V D I magistri omnes, & qui cuiuscumque status, gradus, aut dignitatis sint quouis modo publicè, aut priuatè domi suæ, uel alienæ pueros, adolescentes, aliosue cuiusuis sexus, & etatis quasunque artes literarias, etiam si gratis faciant, legendo, interpretando, etiam prima ipsa grāmatica rudimenta, quorum omnium mores, antequam ad docendum accedāt diligenter sunt explorandi, & fidei professionem facere, et iuramētum præstare omnino debeant: alioquin penas de his in eadem constitutione propositas luent. quam professionem, & iuramentum nō semel tantum sed initio cuiuslibet anni emittere, atq; præstare solemniūter compellantur.

M E D I C I cuiusuis generis sint, ultra fidei professionem, insuper iurent, cū ad infirmos in lecto iacentes uocati fuerint, ipsos ante omnia, infra dierum trium uisitationem monituros, ut sua peccata iuxta S. R. E. edictum, & Pij. V. præscriptum confiteantur, quod si id adimplere neglexerint, se ulterius minime uisitaturos.

P V N ctatores eligendi in provinciali, uel dioecessana Sy-

na Synodo, ibidem iuramentum sub his verbis prestabunt: Ego N. punctatoris officium, quod suscepi, per hæc sancta Dei euangelia iuratus sanctè promitto, ac spò deo me fideliter, & sincere, quantum in me est exequuturum. sic me Deus adiuuet, & hæc sancta Dei euangelia.

De Ecclesiarum ædificijs, & ornatu.

NOVA Ecclesia absq; ordinarij licentia in scriptis, minime ædificetur. nec aliquid in ea novi fiat absq; simili licentia.

IN frontispicio cuius, sicut & in qualibet etiam parochiali Ecclesia, statuimus, ut à superiori parte maioris ianue Ecclesiæ sacræ depingantur imagines.

CRUCIFIXI: imago sub ipso Capellæ maioris arcu in omni Ecclesia collocetur cum velo desuper sericeo, uel soltem lineo.

FENESTRÆ i Ecclesijs vitro, aut tela cerata claudantur.

VAS e marmore, vel duro alio lapide non foris, sed intus Ecclesiam à dextris ingredientibus pateat pro aqua benedicta, cū aspergillo scitis, nō spōgia cōfecto, & appēso.

VNVM sit sacrarium in quavis Ecclesia, & in parochiali, præter illud, quod baptismali fonti deseruit: quod de super tectum & clausum esse debeat, ut infra dicetur, congruenter in loco decenti coaptatum.

CHORUS ita iuxta altare maius constituitur, ut tempore diuini officij, aditus laicis minime pateat, sed à clericis sint illi omnis se iuncti, presertim dū diuina celebratur officia.

CONfessionalia autem, ad Ecclesiæ metropolitanæ

normā, tot babeāt, quot Cōfessarios reliquæ etiā Ecclesia.

ALTARIA nimis propæ ianuas Ecclesiæ non sint, nec de directo maiori altari aduersa constituantur, nisi sint à lateribus Ecclesiæ ita posita, ut inde altare maius uideri nequeat: & aliter posita amoueantur.

Sint altitudine palmorum quatuor a scabello ligneo, latitudine palmorum trium, longitudine uero palmorū sex adminus, præter altare maius quod cōstare debeat longitudine palmorum adminus octo. (uero trium.

Scabellum altaris sit lōgitudinis palmorū octo, latitudinis trium. TABERNACULUM desuper altare maius colloceatur deauratum per totum à foris, quod serico tegmine aut saltem lineo cooperiatur, intus uero panno serico rubro, uel uiri di circum munitum.

PIXIS, seu Vas aureum, uel argenteum similiter coniectum cum corporali ad sanctissimam Eucharistiam intus tabernaculum asseruandam, cum clauē bene firmatum, clausum, & custoditum, atq; ita aptatum, ut inde Pixis commodē depromi & reponi possit, absq; quod super altare sacerdos ascendat.

Umbrellam, seu Baldachinum altare maius, ubi tabernaculum cum sanctis. Christi Corpore stabilietur exquavis decenti materia confectum habeat; quod totum altare, & celebrantem sacerdotem desuper tegat.

Sepiatur in quacūque maiori Ecclesia, etiam parochiali altare maius undique ex quauis materia, ut laicus ingredi siue celebranti nimium à appropinquare, aut altari bus inherere non possit, uel inniti.

Habeat unumquodq; altare ornamenta, paramentaq; propria tā ad cultum eius, & usum, secundum temporum conditio-

conditionem, quam ad missarum sacrificia, quæ illi debentur peragenda.

Altaria consecrata, sicut & altariola portatilia tela, ita cooperiantur, ut faciliè amoueri non possit.

Et tobalijs desuper, seu mappis tribus distinctis, & non cōnexis, vestita sint mundis, quarum vna sit alijs longè maior latitudine, & longitudine: ita ut pro ornatu altaris à lateribus dependeat ad scabellum vsq;: reliquæ duæ longitudinem altaris superent, uel saltem adequent.

Missarum celebratione expleta, tela viridis, cærulea, aut cerata, uel de corio altaria, in quibus celebratur sēper tegat. Sint ubiq; candelabra duo bonè elaborata.

Et tintinabulum appensum, uel portatile.

Ac secretoriū tabella, post celebrationē sub tela recōdenda.

Imago Crucifixi in vno quoq; altare collocetur.

Sepulturæ nouiter construendæ in quauius Capella, spatio cubitorum trium os earū distet ab altaris scabello, aut eò remotius quò loci angustia permittit; & ita operiantur, ut nullo vnquam tempore feteant.

In Sacristia maioris, & parochialium Ecclesiarum, ac Capellarum sint libri populo legendi ad præscriptū Episcopi; & in Inuentario Sacristiæ cum cæteris mobilibus annotandi.

Sacristia quolibet armariū paramentorū vnū, uel plura habeat, ad illa, & cætera ornāmēta distinctim cōseruanda.

Ac pro argenteis Vasis, Reliquijsq; armariolum separatim; siue reliquiarium loco Sacristiæ decentiori tuto standum atq; claudendum.

Labellum, cum manutergio appenso, pro abluendis, ab stergendisq; ministrorum manibus.

Orato-

Oratorium quoq; cum imagine sacra, & orationibus
affixis pro sacerdote ante, & post missæ celebrationem
recitandis, atq; de præcationum tabella sacro unicuiq; indu-
mento accommodatarum.

Indumenta ipsa, ac cætera paramenta, & ornamenta,
certæ Ecclesiæ dicata, ad aliam transferre, & in alienos
usus conuertere, seu accomodare nemo audeat.

Neq; hi ad quos spectat illa puluere consumi, vel aliter ab-
sordescere permittant, sicut nec Ecclesiam ipsam, Sacri-
stiam, Altaria, Oratoriaq;

Silentii in Sacristia, & Choro seruetur ab omnibus tam
laicis, quàm clericis; presertim tempore diuinorum officio-
rum, quò ad externa, uana, seu inutilia colloquia
Neque laicis, nisi cogente necessitate, intra prædicta loca
adius pateat.

In quauis Ecclesia, presertim dum diuina celebrantur
officia, uel Dei uerbum prædicatur, nemo deambulare, con-
fabulare, uel negotijs operam dare presumat, aut altari-
bus, fontibusue Baptismi, & Aquæ sanctæ adherere.

In limine Ecclesiæ uel ante fores ipsius immorari, aut cū
canib⁹, volucrib⁹, balistis, & sclopetis ingredi nemo audeat.

Parlamenta, congregationes, artium, collegia publi-
ca, uel priuata, concilia, quæ ad Ecclesiam ipsam non per-
tinent, laici in Ecclesia non habeant, nec etiam alibi die-
bus festiuis, celebrationis missarum tempore.

Ante ianuam maioris, & parochialium Ecclesiarum
cōstruatur porticus, quæ latitudinem Ecclesiæ adæquet,
uel saltem ipsam ianuam complectatur: sub qua baptizan-
di primum à parocho recipiuntur: & ad alios usus Eccle-
siæ decori necessarios.

Ianuæ Capellarum, extra Ecclesias parochiales existen-
tium

tium, cancello claudantur ligneo, & claue, ut intus uidere liceat facellum, & oratio fieri, sed non ingredi, nisi dum celebrantur diuina officia.

Capellæ, extra maiorem, vel parochiales Ecclesias in indecenti vel parum commodo loco positæ, in quibus vi plurimam nullis audientibus celebratur, erecta ibidem cruce, prophanari, & capellas in maiori ecclesia sub eorumdem inuocationibus Sanctorum licitum sit, de Episcopi licentia construere, aut missæ ibidē celebrandæ omnino ad commodiores Ecclesias transferantur iuxta à Sacro Concilio Tridentino datam facultatem.

Capellæ nulli patrono concedantur, qui illas prius non dotauerit, & concessæ reuocentur.

Destruantur altaria in Capellis prophanatis, & apertis, in quibus non celebratur.

Patroni Capellas suas, minus sufficienter dotatas, in maiori Ecclesia, & parochijs positas, earumq. altaria de necessarijs prouideant omnino, alias presentandi iuribus priuentur, saltem pro prima proxima vice vacationis. Vni uero ex patronis satisfaciendi, ius aliorum in ipsa capella donec satisfecerint, accrescat, & conferatur, vel alijs remedijs iuris opportunis ordinarij arbitrio, cōpatroni, beneficiatus, aut populus visitationib⁹ satisfacere cōpellatur.

Prohibentes nē in illis vel iuxta eas, bellariorum, vel quarumuis rerum venditiones, fiant.

Nec mensa cum capsula altaris instar, ante, vel super altare pro eleemosynis recipendis, ullo modo in Ecclesia, cui indulgentiarum literis, aut inscriptionibus permittantur sed in loco lōgē ab altari, quo indulgentiarum statio cōstituta sit, uel a latere simpliciter collocentur, statuisq. tantum diebus, quibus Episcopi indulgentiam decreuerint

pro-

omulgandam.

Transitus ad aliena loca per Ecclesiam non conce-
atur.

*De reliquijs, & sacris imaginibus,
actionibus, & representa-
tionibus sacris.*

SACRAE imagines, stata prece, prius benedi-
cantur, quàm altaribus superponantur.

In Ecclesijs, corruptæ imagines uetustate, siue ho-
minum iniuria, & quæ in sordido stant, honesto loca
aptentur, uel in totum deleantur.

Imagines, picturæq; in quibuscumque locis Clerico-
rum, siue laicorum habeantur, turpitudinem præse-
ferentes, deleantur omnino, uel ad honestatem refor-
mentur.

In pingendis sacris imaginibus, caueant Episcopi ne
quid in Ecclesia Dei pingatur, aut sculpatur, quod scri-
pturarum ueritati, uel catholicorum traditionibus ad-
uersetur.

Omnis lasciua præcipuè uitetur, ita, ut procaci uenu-
state nec pingantur, nec ornentur, ne turpis potius co-
gitationis, quàm deuotionis occasio sit, iuxta sacri
Conc. Trident. decretum. Et aliter quàm decet, depi-
ctas, siue expressas, etiam de domibus laicorum, obsec-
nas imagines emendari, uel amoueri Episcopus, Páro-
chus ue curabit omni studio.

Passionis D. N. Iesu Christi representationes, uel
B aliquorum

aliquorum Sanctorum, aut deiparae Mariae virginis non fiant.

Reliquiae Sanctorum decoris in uasculis seruentur: & cum populo ostenduntur luminaria accendantur: nec à receptaculis, ubi cōditae sunt extrahantur, aut temerè omnium oculis, vel nudè exponantur: aut quæstus gratia demonstrantur; neque etiam ad collum deferantur, absque Episcopi licentia: nec priuatis in domibus, vel apud laicos homines detineantur.

Locus sit in Ecclesia, siue Sacristia, ac decens, ubi conseruentur, duabusque claudantur clauibus, quarum alteram Episcopus teneat, alteram Tesaurarius.

In eis deferendis, demonstrandisue sacerdotes superpelliceo, stolaque utantur.

In processionibus verò cum luminaribus, & turribulo deferantur.

Reliquiae insignes, quæ in Ecclesiis penè neglectis, vel parum decenter habitis custodiuntur, ea solemniori pompa, quæ pro qualitate regionis licebit, & commodum videbitur Episcopo, transferantur ad Ecclesiam cathedralem, ibique aptè, & honorificè collocentur, auctoritate, & licentia Sedis Apostolicæ præuia, & semper salua.

De Episcopis.

EPISCOPVS dominicis, ac festis diebus, si legitimè impeditus non fuerit, missam celebrare ne omitat; celebrantique, vel missam audienti frequens adsit familia.

Lectionem

orationem sacram dominicis diebus, vel sermonem, aut exhortationem clero ciuitatis suæ faciat.

Singulis mensibus semel, saltem in dominica die, inuersi ciuitatis suæ, ac diæcesis clero, idem per se præstabit, aut per idoneum, si legitime impediatur.

Quæcunque ad diuini cultus gubernationem spectant, et se in primis prestare, cætera verò inferiora, per vicarium, ministrosue, exequi curabit.

Certam sibi horam quotidie sumat, quam in contemplatione diuinorum, studio meditationis, atque orationis exercitio impendat.

Institutum vespertinæ orationis domui, etiam suæ obseruari faciat; ad quam ipse, et familia sua omnis conueniat: ac pro defunctis certo campane signo per omnes Ecclesias.

Quolibet sabbati die, hora vigesima tertia, antiphonam deiparæ Mariæ Salue regina, aliasque ab Ecclesia pro tempore statutas preces, in maiori Ecclesia, ac in parochialibus, ubi comodè potest, religiosè à clero cantari, mandet, conuocatis campane pulsatione fidelibus.

Ad Episcopum pauperibus, miserabilibusque facilis sit aditus, benignè quoscunque audiat.

Statimque expedire, quæ recte possit re omnibus, aut consilio, vel consolando prodesse studeat, ac delectetur.

Episcopus in vestitu sericum non adhibeat, nisi in necessarijs et consuetis, pretiosis non utatur pellibus, habitu, et solo episcopali anulo cum publicè prodii sit semper ornatus.

Accumbens mensæ benedicat; et quam decet fru-

galitatem, ac temperantiam, sacrorumq; librorum lectionem adhibeat, quæ, ut plurimum, ex sacra sit scriptura, vel ex pastoralibus libris, aut Sanctorum vitis, & actionibus.

A laicorum commensationibus, & a nimia eorum familiaritate caueat.

Homines moribus obscenos, parasitos, maledicos, vaniloquosue secum versari, vel in eius domo non permittat.

Neq; principibus accumbentibus stet ipse.

Nec etiam, inter missarum solemnia, missale, aut pacem illis exosculandam præbeat.

Caueat Episcopus, nequid in eius domo appareat, quod non sit simplex, purum, honestum; sed inanum verum omnium, ac profani ornatus se contemptorem ostendat.

Ita domui suæ, familiæq; bene præesse curet, ut interius, & exterius honestas, decorumq; seruetur.

Et talis sit domesticorum omnium vestitus, & mores, ut illos appareat esse ministrorum Dei ministros.

Ex ipsius Episcopi familiaribus si quis infirmatur, illius paternam adhibeat diligentiam, & curam.

In eleemosynis, pauperibus erogandis, ita se promptum exhibeat, ut præter illas, quas per eleemosynarum ministros largiri solet, ipse quoq; manu sua aliquando in pauperes conferat.

Pœnas clericorum, multisq; omnes cuiusvis generis pijs vsibus, vel Ecclesiæ fabricis, nulla prorsus sibi parte reservata, distribuatur, certo de positorio, super his recipiendis, & expendendis, specialiter deputato.

Presbiteros, & Clericos omnes ad se, quâdoq; partem, quandoq;

quandoq; vero certos aliquos conuocet, atq; illorum utriusq; vite rationem, virtutum exercitationes, & progressus cognoscat.

Episcopi singuli seminarium constituunt, vel si, ob beneficiorum tenuitatem, hoc adimplere nequiverint, cum metropolitana Ecclesia illud simul quamprimum constituant, vt Conc. Trident. disponit, & summus Pontifex illos admonet.

Quilibet Episcopus singulis annis visitationem instituat, & absoluat; vel frequentius absq; tamen procuratoris onere prima visitatione absoluta, quamuis provincie angustia tanta sit, vt in ea procuratoris nomen, vel exactionem audiri absurdum videatur.

Quam visitationem, singulis annis faciendam, immediate post omnium Sanctorum festiuitatem incipiat, vel post primam dominicam aduentus, seria secunda immediate sequenti.

Atq; ab eo die publicatum intelligatur generale visitationis edictum; nisi, ex causa, in alium commodiorem diem, visitationem se transferre, Episcopus expresse declarauerit.

Concilium diocesenum, singulis annis pariter conuocandum, pro prima die mensis Maij publicatum, & indictum censeatur; nisi, vt supra.

Pium iudicamus, vt episcopi in suis Ecclesiis certum sibi, & successoribus suis monumentum constituant.

Per Concionatores, Parochos & Confessarios efficiant, vt oratio vespertina diebus singulis ab omnibus in Ecclesia, uel priuatis proprijs domibus sit, tam pro uiuis, quam pro defunctis, dato certo maioris campanae signo, iuxta primam horam noctis.

De vita, & honestate Cleri- corum.

PRESBITERI, & Clerici omnes inprimis memoria teneant verba illa Sac. Conc. Trid. de ref. sess. 22. cap. 1. quod incipit, Nihil est quod alies magis ad pietatem, Deique cultum assidue instruat, quam eorum vita, & exemplum, qui se diuino dedicarunt ministerio; & reliqua.

Sacerdotes barba à superiori labro tondeantur.

Clericali tonsura, apparenti, & talari veste incedant.

In habitu, non exquisita sit cultus elegantia, aut nimis sordida, & abiecta negligentia.

Color verò, tantùm niger adhibeatur, omnem ornamenti nouitatem, ac vanitatē fugientes.

Pileos in Ecclesia nunquam, extra verò non deserant, nisi valetudinis, vel pluuiæ causa & tunc simplices illos habeant, ac honestæ latitudinis, non autem in acutum tendentes,

Superpellicea lacera non sint, nec sordida, neque curiosè nimium elaborata.

Clericus, siue Presbiter, superpelliceo indutus, Ecclesiam exire, præ foribus astare, aut per viam incedere, nisi cum processio, aut officium, quod illud requirat, peragitur, non presumat.

Anulum non deferat, nisi ea præditus sit dignitate, in qua conferenda anulus sibi tradatur; illum verò, dum celebrat, & chirotecas in choro non habeat.

Quoniam Deo militantium Clericorum arma, & potissima

potissima studia, orationes, & sacrae lectiones esse debent; ita intenti, atque assidui in hoc ipso peculiari munere esse debent, ut orationi succedat lectio, lectionique succedat oratio; hoc enim solo clipeo (ut diuus testatur Hieronimus) malarum cogitationum sagitte, quibus omnis ætas, maximè verò adolescentia, percuti solet, repelluntur, inquiens: *Ament studia scripturarum, & carnis studia non amabunt: eosque tantum libros legant, & habeant, qui ecclesiasticam disciplinam, vitæ innocentiam, & Dei timorem docent.*

Libri, quos decet unumquemque Presbiterum, vel Clericum habere, & in eorum lectione frequentius versari, sint precipuè, quos Episcopus, ex sua electione, pro eorum captu, iusserit esse legendos.

Clericus, si monitus etiam per publicum edictum, bonestum clericalem habitum non deferat, per suspensionem ab ordinibus, ac officio, & beneficio coerceatur; & si semel correptus habitum laicalem nichilominus gestauerit, habens beneficium, eo priuandus erit, iuxta Conc. Trid. decretum.

Profana spectacula nec ipsi peragant, nec peragentes spectent.

Aleis quoque, cartis, aliove ludi genere vetito, quouis in loco non ludant; nec ludentibus intersint.

Venaticum non alant animal; nec balistis publice utantur.

Baculum in Ecclesia nunquam, nec per ciuitatem; nisi ætatis, infirmitatisque euidenti causa, deferant.

Natio, aut in alieno conspectu denudatio illis nequaquam permittitur.

Cum exulibus, contumacibus, ac bannitis, vel de

homicidio diffamatis, iuxta Sanctiss. D. N. Papæ Gregorij xij. bullam, minime uersentur, nec hospitio suscipiant, etiam si affines fuerint.

Post primam noctis horam per ciuitatem absq; lumine incedere nullus audeat.

Clerici extranei absq; dimissorijs litteris sui Episcopi in prouincia esse non permittantur, nisi ad paucos dies.

Clerici in sacris, uel beneficium obtinentes, domi, siue foris laicis hominibus, quacunque dignitate præditi, non inserviant.

Procuraciones, aduocationes, & patrocina apud iudicem secularem, nullus Presbiterorum, Clericorumue, exceptis casibus à iure permissis, ac de ordinarij licentia, exercent.

Pro nemine spondeant in foro seculari.

Mercaturam, laicorumq; negotia non procurent.

Nec eorum predia conducant.

Mulieres, cuiusuis ætatis, legere, scribere, canere, aut sonare non doceant; nisi quas ætate, moribus, & uita, ab Episcopo probandas, permissum fuerit.

Nec illis per uiam se comites adiungant.

Mulierum suspectarum domos, cæteraq; ordini, ac statui clericali indecora.

Nec non confessus otiosos laicorum, uaniloquia, & in plateis, officinis, ac sedilibus circulationes, ubi nulla urget necessitas: tabernasq; nisi itineris causa, uitabunt.

Arma cuiuscunq; generis deferre omnino prohibemus: nisi, ubi longum iter agendum est, de ordinarij scripta licentia.

Nec sint suppliciorum spectatores, quæ reis inferuntur,

ut, nisi, ut ipsorum animarum salutis opem ferant,
hic ad sint.

Sacerdotes omnes, & Clerici, alicuius certe Eccle-
siæ ministerio nõ addicti, in maiorem, uel parochialem
Ecclesiam, cuius fines habitant, dominicis, festisq; diebus
ad diuina celebranda cõueniant; nisi legitime excusetur.

Tempore uerò ieiuniorum, & ubi frequens ad Ec-
clesiam populus esse consueuerit, Parochum etiam in
docendo doctrina Christiana adiuuent.

Intrantes Ecclesiam caput statim operiant, ante san-
ctissimum Sacramentum reuerenter orent, ac in aliq-
rum exemplum, ubiq; modestè uersentur.

Stante uerò Episcopo, uel genuflexo in Ecclesia,
simul stent, & simul orent.

Clerici, Presbyteri, Parochi, & quicunq; Ecclesia-
stici, sub diuisione Episcopi existentes, studiis literarijs
uacare, & lectionibus, iuxta cuiuscunq; conditio-
nem, atq; capacitatem, compellantur.

Sacris imbutus, cui beneficium obtinens, si aliquo
afficiatur morbo, non tamen ita graui quin horis ca-
nonicis non possit satisfacere, ab illis dicendis non de-
sistat, inconsulto utroq; medico corporis, & animæ,
ne grauius peccet.

Si non frequentius, saltem singulis mensibus amnes
communicent Clerici minorum ordinum.

In sacris uerò constituti, singulis diebus dominicis,
ut Conc. Trid. suadet.

Antequàm discumbat mensæ benedicant, & in fine
Deo gratias referant.

Audito, pro salutatione angelica, uel oratione pro
defunctis cāpana signo, illico genuflectat, orēt ut par est

suoque

suo que exemplo, & hortatu, ad tam Sanctum, & pi-
um opus circumstantes alliciant.

Similiter ad signum campanæ pro elevatione corpo-
ris Christi Ecclesiæ maioris solemnis missæ asurgere,
ubicunque fuerint, caput aperire, deuotèque orare
non prætermittant.

Studiorum causa nulli Clericorum à diœcesi, vel
ab Ecclesiæ suæ residenti abesse liceat, nisi prius ha-
bita ab Episcopo inscriptis licentia.

In qua quidem Episcopus hæc adiungat, uidelicet,
ut de litterarum progressionem, a doctoribus, quos audire
scriptum afferant testimonium, saltem singulis annis.

Nec ad breue tempus, a diœcesi abesse liceat, abs-
que ordinarij licentia: & cum redierit eidem se presen-
tare non differat.

De Parochis.

PAROCIVS per se ipsum Sacramenta, &
non per alios ministrabit; nisi iustè impediatur.

In ædibus suæ Ecclesiæ inhabitabit, aut prope illam, ut
comodius, ea ad quæ tenetur prestare possit.

Diligentiam quàm maximè adhibeat, nequis absque
Sacramentis e uita discedat.

In quorum administratione semper superpellicem,
& stolam habeat.

Singulis, etiam Dominicis, alijsque diebus doctri-
nam fidei christianæ populum doceat, tam intra missæ
solemnia, quàm à prandio, dato campanæ sono,
omniq; adhibita diligentia, ut frequens populus, om-

ino autem pueri, & adolescentes omnes utriusque sexus, doctrinæ christianæ recitationi intersint.

Illosque admoneat, & hortetur, ut dies festos huiusmodi non otiose, sed in animarum suarum utilitatem, & Dei cultum sanctis exercitijs, ac pijs operibus insistant.

Et erudiat de contentis in Catechismo romano.

Denuntiet frequentur illam annorum decem indulgentiam, quæ a lateranensi Conc. sub leone decimo, urix denuntianti publicum blasphematorem, conceditur.

Publicum suæ parochiæ blasphemum, concubinari-um, aut usurarium, uel de fide suspectum, diebus festis missam non audientem, in pascale non communican-tem, statim Episcopo denuntiabit.

Parochus, die dominico festa de precepto, ieiunia, & uigilias populo denuntiabit ac cætera iuxta sacri Conc. Trident. sanctiones ad salutem necessaria docebit.

Idem qua ætate ieiunare, & pueri peccata confiteri, & communicare debeant.

Crebris exhortationibus efficere conetur, ut populus, sibi commissus, ad confessionem, communionemque frequenter accedat, precipue uero in die Natalis Domini, Paschalis, Pentecostes, Assumptionis beatæ Mariæ, Omnium Sanctorum, & Initium quatragesimæ.

Adolescentes, prima uice Eucharistiam sumere uolentes, prius examinabit, ac de uirtute, & tanti Sacramenti ratione, reuerentia que docebit: eorumque, & aliorum, qui non dum confessi sunt etatem, & idoneitatem recognoscat.

Eorum nomina describas, presertim in uisitatione animarum

animarum, singulis annis facienda, ipsos erudiat, & ad confessionem inducat.

Monebit patres familias, ut filios suos, ac filias, famulosq; diebus saltem festis missam, & doctrinam audire; atque temporibus debitis peccata confiteri compellant.

Viduas admoneat, ut ultra diem octauum ad Ecclesiam accedere, & missam audire non differant.

Vnumquemq; in sua parochia missam audire debere, & in ea tota, excepto euangelio, non uno tantum, sed ambobus flexis genibus deuotè, atq; attente permanendum.

Arma, baculos, accipitres, canes domi relinquentes admoneat.

Curam de uiduis habeat, pupillis, orphanis, egrotis, pauperibus, alijsq; miserabilibus personis, quos per se adiuuare, aut per alios subuenire non desistat omnino studio; quorum nomina, ut proprium munus certius exequatur, certo libro scripta, non memoria tantum retinebit.

Parochus egrotos, etiam non uocatus, uisitabit, & ad confessionem ceteraq; Sacramenta recipièda suadebit.

Cum sacrosanctum Eucharistiæ Sacramentum ad infirmum defert, uel extremæ unctionis oleum, septem psalmos, uel preces alias in uia deuote recitet.

Infirmum piè, ac prudenter consoletur, & in mortis periculum existentem nunquam deserat, omnibus spiritalibus auxilijs soletur, & adiunct, & ubi uitæ nulla spes erit, hortetur, ut bono animo sit, et gaudeat se à Deo in eternam patriam uocari, mortem ne timeat: quo in officio non deerunt cæteri parochiæ presbyteri eidem,

ubi

ubi contingerit auxilio esse.

Astantes, ut pro eo preces Christo domino offerant instanter moneat.

Librum Parochus habeat, in quo baptizati, parentum, & compatrum, nomina, cognomina, natiuitatis diem, ac baptismi describat, & an ex legitimis nuptiis fuerit procreatus.

Similiter in sacro Chrismate confirmatos ibidem annotare curabit, & compatres eorum.

Symbolum fidei nescientes, excommunicatos, aut in manifesto mortali peccato existentes, ad suscipiendum de baptismo puerum non admittant, nec in sacro chrismate, siue confirmationis sacramento.

In quo libro diem obitus uniuscuiusque adnotabit.

Alium quoque librum apud se habeat, in quo introitus, census, iura, & instrumenta ad Parochialem Ecclesiam, & vniuersæ ipsius Parochiæ Capellas spectantia, describantur.

Bonorum, etiam mobilium, inuentarium, ac sacristiæ, & capellarum suæ diœcesis, visitationis instar, singulis annis per ipsum habende.

Alterum etiam habeat de statu animarum sibi subiectarum; quæ singulis annis recognoscere non prætermittat.

In quibus observabit an rectè in Catholica fide, & Sacramentorum perceptione ambulent.

Populum admoneat paucis ante diebus quàm sanctè, piè, ac religiosè, processiones generales, præsertim Sanctissimi Corporis Christi, colendæ, ac prosequendæ sint a fidelibus.

Itidè, cùm Cõfirmationis Sacramentum in die p̃tecoestes, Ep̃us erit ministraturus, de virtute, dignitate, atque utilitate

utilitate Sacramenti, & quomodo ad illud accedendum sit docebit.

Populum sæpe in Ecclesia, & per domos hortetur, & omnino inducat, ut saltem semel in die, unusquisque seipsum colligat in Ecclesia, uel domi, genuflectat, oret, meditetur, quid illa die egerit, in quo deliquerit, deum, uel proximum offenderit; & ab eo ueniam petat, proponat de cætero ab illicitis abstinere, ac se ex intimo corde Deo comendet: pro Ecclesia, pro pace, pro amicis, inimicis, & animabus defunctorum deprecetur.

Patres familias, uel matres compellat, ut cum tota familia, de sero, intra propriam domum, idem simul omnes præsent.

Cum surgunt de mane, ante omnia, statim orationem dominicam, & salutationem Angelicam recitent genibus flexis.

Describantur per singulas Parochias pauperes & miserabiles, & pro eis fiant collecte, in concionibus, in missis parochialibus, & tempore uindemiæ, messis, & oliuarum; & eorum habeatur ratio in distributione panis piorum relictorum siue eustauritarum, quæ magis Episcopo expedire uidebitur.

Nec cuique concedatur, cuiusuis sit dignitatis, & officij, etiam Ecclesie cathedralis, alterius Parochiæ fines ingredi, ad Sacramenta ministranda, nisi urgente necessitate, proprio Parocho absente, uel de eius consensu, aut Episcopi licentia.

Compellatur populus, ut ea contribuat, quæ ad rectoris uitam sustentandam sufficiant, & parochiali Ecclesie necessaria.

Comunia de ministris, & quotidianis distributionibus.

X Canonici, ultimo loco promoti, Diaconi, & Subdiaconi officio fungantur, ubi alius Canonici, vel in dignitate constitutus solemniter celebrat.

Archidiaconi, Archipresbiteri, alijque in Ecclesiastica dignitate constituti, Canonici, ac reliqui Ecclesiarum ministri in sacris officiis per se proprium munus adimpleant, & non per alios exercent.

Qui dignitates habent, aut personatus, suarum meritorum functionum, & uocationis, ea pietate diuina officia, assidue colere debeant, ut alij eorum exemplo ad diuinum cultum, & amorem accendantur.

Archidiaconus librum conficiat, in quo Clericorum nomina diligenter describat, & quoque gradu sit, ac deinceps reliquorum omnium, qui ex minoribus, maioribus uel sacris ordinibus ascripti, locum etiam, & tempus.

Primicerius antiphonas, responsoria, lectiones, & alia, cui decet, assignet: assidueque horis canonicis, & diuinis officiis intersit.

Canonici, & reliqui omnes Clerici in suæ Ecclesiæ functionibus sacrisque lectionibus cum superpelliceis, clericali habitu, ac clericali induti intersint.

Præbendati omnes, ut horis canonicis, & solemnibus officijs interesse possint, missam quam tenentur, a competenti, ante, aut post solemnem celebrabunt.

Quicumque

Quicumq; dum alicuius horæ statutz officium celebratur, à choro ab fuerit, illius horæ distributione careat; nisi causa aliqua urgente, & de licentia id omiserit.

Constituatur Præfectus Archiuij vnus ex Canonici, qui curam habeat scripturarum ad Ecclesiam pertinentium, vna cum Episcopo, vel eius Vicario.

Præstet iuramentum de fideliter exercendo.

Habeat scripturas omnes sub inuentario; cui aliquid pro labore detur.

Ex duabus, clauibus, quibus decet claudi Archiuium, alteram Episcopus, alteram Præfectus Archiuij teneat.

De modo congregandi Capitulum.

CANONICI Capitulum singulis hebdomadis faciant; in quo requiratur, an de diuinis officijs Decreta seruentur, an uerò errores in ritu, & sacris cærimonijs commiserint.

Et in eo de spiritualibus exercitijs, & progressionē diuini cultus semper aliquid examinetur atq; tractetur.

His discussis, Decretum legatur, de vita, & honestate Clericorum, in Prouinciali synodo descriptum; vel quæ Episcopus legenda iudicauerit.

Officium, quod alicui ipsorum Capitulum commiserit, nemini recusare liceat; nisi ex legitima causa, ab ipso Capitulo tunc approbanda.

Nec

Nec ibi licitum sit cuiquam scurriliter loqui, aut inaniter contendere.

Initio cuiuslibet congregationis, in fine itidem recitentur orationes, & antiphonæ de Sancto, & ultimo loco fiat commemoratio patroni ecclesiæ in qua congregatio fiet.

Capitulum nunquam congregetur, nec aliquid in eo statuatur, uel proponatur, nisi presente Episcopo, uel eius Vicario generali, uel de ipsorum expressa licentia; præterquam si Capitulo maior libertas legitime competeret.

De officio eius, qui in choro præsidet.

QVI in choro præsidet, nequid indiuisis officiis, eorumque progressu prætermittatur, neue præposcere, aut indecore quicquam fiat, diligenter inuigilet, errantes admoneat, & deficientes muneri suo, amicè, & ex charitate corrigit, & ad satisfaciendum inducat.

In choro ecclesiæ, & sacristia, ea quæ ad ritus cærimonias, & diuina pertinent officia nemo iubeat, nisi chori Præfectus, et ubi præfectus non est præsidentis officio, ille qui primum chori locum tenet, fungatur, ut confusio cuitetur in domo Dei.

Chori Præfectus non admittat ad euangelium, uel epistolam cuiuslibet solemnis Missæ, ministros, nisi prius illos canentes priuatè audiuerit, uel per magistrum cærimoniarum audiri fecerit; qui etiam uideatur an rite a sacerdotibus sacra fiant,

De officio magistri chori, & cerimoniarum.

CAERIMONIARVM Magistri, simulq; Præfatus chori laicos de choro exire compellant, cum sunt diuina officia; vel si casu aliquo admittantur, illos moneant, vt simul cum clero stent, sedeant, assurgant, & genuflectant, ac silentium teneant.

Cerimoniarum magister, quando de Dominica, de festo, uel de feria simplex officium, aut solemne celebrandum sit, denuntiet. nec non & quæ antiphonæ psalmi, lectiones, & orationes recitandæ sint, uel canendæ: quando etiam standum, sedendum, caput inclinandum, aut genua flectenda sint.

Tabellam, in qua describat quid à singulis Canonicis, alijsq; beneficiatis, per hebdomadam singulis horis recitandum, canendum ue sit, conficiat.

Quo tempore, quis Missam celebrare, horas dicere, aut alia in ecclesia munera peragere debeat, in sacristia, ab eis legendam affigat; ne cuiquam sit excusationi locus.

Horariæ preces, ita, ut ab Ecclesia sunt institutæ, & non aliter, persoluantur: nec solemnes, duplices, uel semiduplices in alium diem transferantur, quàm quod diuini officij ordo postulat.

De officio sacristæ.

SACRISTÆ omnia ecclesiæ ornamenta, paramentaq; ac cuncta alia, sibi consignata, in diesq; consignanda, per inuentarium recipiat: illorumq; exactam curam gerat, ne siquid sua culpa amissum, corruptum, siue lacerum fuerit, de suo ecclesiæ soluat.

Curam de luminaribus, candelis, oleo, & uino habeat, ac de hostijs; quas ipse, aut clericus aliquis conficere debeat, non autem laicus, aut mulier.

De cera, cereo, cæterisq; ad diuina officia necessarijs.

De aqua benedicta, quam singulis diebus sabbati, ipse conficere, & renouare, uel ab alio renouandam curabit.

Altare maius, & cætera alia, præcipue diebus festis, secundum temporum interstitia, decenter ornare non prætermittat.

Horis congruis pro matutino, ac alijs horis canonicis signum det campane sono, & pro missa, salutatione angelica, & oratione vespertina.

Ab eodem calices mudentur, & bis quoq; singulis lauentur mensibus; corporalia tertio quoq; mense, purificatoria verò bis in hebdomoda saltem immutanda, & frequentius, si necessarium videbitur, ut nitidè omnia appareant, atq; seruentur.

Curet, ut ecclesia tota, & parietes, singulis diebus sabbati, chorus verò bis in hebdomoda scopis mudentur.

Punctatoris officium in missis, & diuinis officijs

exerceat, donec de speciali Pŕŕatore fuerit prouisum.

Tres habeat in sacristia tabellas, unam in qua omnes misse, officiaq; pro mortuis, & reliqua sint descripta, quæ ex imposito onere celebrari oporteat: aliam in qua cuiusuis dignitatis, canonicatus, præbendatus, capellaniæ, altarisue, seu alterius beneficii debita contineantur munera in missis celebrandis, alijsq; diuinis persoluendis officijs: tertiam in qua quid à singulis Canonicis alijsq; beneficiatis, horis canonicis per hebdomadam recitandum, cantandum ue sit exactè describat, sicut, & magister cærimoniarũ. uel chori Præfectus.

Ibidem laicos uersari non permittat, ut supra annotatum est; nec Clericos de profanis rebus sermones habere; neq; contentiones eorum, rixasq; patiatur.

Sacerdotes ad Missæ celebrationem eodem tempore duos tantũ admittat: ita tamen, ut secundus de Sacristia non exeat, nisi post communionem primi præcedentis; nisi Ecclesiæ necessitas, tempus, & populi multitudo, casu aliquo in magnis solemnitatibus aliud exposculet.

In his autem, qui primo, qui uerò secundo, qui tertio deniq; loco celebrare debeat ordinem omnino tabulæ seruandum curet. singulosq; die præcedenti admo-
neat, ordinem, & horam doceat.

Missarum tempore pauperes intra ecclesiam discurrere, iuxta Papæ Pij V. bullam non permittat.

De exorcista.

E piscopus nemini, etiã sacerdoti Exorciste munus exequi pmitat, nisi etatè eius probauerit, et mores.

Nullus

Nullus energumenis manus imponere, aut Dæmones eijciendi causa exorcismos legere audeat, nisi exorcistæ ordine initiatus sit.

Itaq; exorcismos memoria demādere curabit, & utatur libris ab Episcopo tantūm comprobatis.

Et cum casus euenerit, habita prius eiusdem Episcopi licentia munus exequendi, hæc quæ sequuntur obseruabit.

In primis energumeni uitam, mores, & actiones diligenter perquirat; Medicum etiam consulat, ut uideat, an quicquid ab illo agitur, morbi alicuius causa fiat, aut uitio atræ bilis, an uerò sponte, & dissimulantur uel Dæmonis impetu.

Exploret etiam, an excommunicationis uinculo aliquando innodatus fuerit, à quo ipsum absolueri debeat, obienta ab Episcopo facultate, si non habet, antequam ad exorcismum deueniat.

In huius muneris functione religiosè, grauiter, & deuotè se gerere studeat; ac pridie illius diei, quo exorcismum adhibere intendit, ieiunio, & oratione se ipsum præparare, conscientiam mundare, ac magna cum humilitate, & in Deum fide ad dictum munus obcundum accedere conetur.

Energumenis exorcismum adhibere ne incipiat, nisi ille prius confessus fuerit, eumq; hortetur, ut precibus, ac sanctis meditationibus intentus sit uisitationi ecclesiarum, atq; ieiunijs vacet.

Exorcista in ecclesia, quam Episcopus statuerit, & non alibi, nec in ædibus laicorum, aut in priuatis locis, sed in loco statuto ecclesiæ publico, neq; in conspectu multitudinis, sed uiris presentibus benefici.

atq; ætate grauibus, nec ante solis ortum, uel post eius occasum, sed hora solita post missam, neq; duos eodem tempore, sed uni post alium exorcismum adhibeat.

Cum mulieri energumena exorcismum adhibere uoluerit, non nisi duobus probatis uiris præsentibus duabusq; uel una saltem ætate maturis fœminis, una etiã cum ecclesiastica persona.

Caueat, cum exorcizat, ne illius mulieris capiti, corporiue, nisi magna cum cautela, manum adhibeat, neq; altari energumenos admoveat.

Prædictiones, reuelationes, seu uisiones energumenum omnino audire contemnat; eisq; nullam fidem adhibeat; & a curiosis interrogationibus abstineat; quæstum omnem fugiat.

Ruta, sulphure, & alijs ab Ecclesia non institutis uel nondum approbatis ad exorcismum ne utatur.

De cantoribus, & musica.

CANTORES, ubi fieri potest, Clerici sint & clericalibus in choro uestibus utantur, ac superpelliceo. munus cantoris, & organistæ in quauis ecclesia, cuiusuis ordinis Clericus non suscipiat, nisi uita & moribus probatus fuerit, ac scriptam ab Episcopo licentiam obtinuerit.

Qui in Canonicum ascribi uoluerit, is idoneus esse debeat, etiam in cantus peritiã, ut officium suum in choro implere conuenienter possit.

Organo tantum in ecclesia locus sit, non reliquis musicis instrumentis.

Antiphone

Antiphonæ uerò , uersiculiq; distinctim in choro pronuntientur , ut omnes intelligant , & quæ organū sonat , & quæ chorus decantat .

In diuinis officijs nihil alienum , siue diuersum ab officio , uel Missæ sacro, quod sit in ecclesia, cantatur .

Symbolum fidei absq; organo recitetur in choro .

Quomodo versandum sit in choro, & recedendum ab eo.

I*N choro unusquisq; locum suum teneat , ne uageatur .*

Omnes in choro alternis uocibus diuina canant officia distinctè , attentè , pariter & deuotè , non perturbatè , non cursim , aut oscitanter , sed in Deum toto illo tempore cor dirigant , & spiritu simul , & mente domino psallentes , ut sacri Canones , & diuina eloquia illos edocent iubentq; .

Pro temporis ratione , & officij flecti in choro, sedent , flectant genua, inclinent , & caput aperiant .

Nihil a dignitate loci & personarum munere alienum appareat , non indecoro, seu contorto corporis statu Clerici infideant , nec oculos , uel mentem extra chorum teneant , sed animi religionem , moderationemq; uultus , uocis , ac decenti corporis compositione testentur grauitatem , loco sacro benedictionis , & ordine clericali dignam retinere omni studio contentant , memores adesse D. Ihesum Christum , cui toto cordis affectu , casto , & fideli corpore cum timore sa-

mulandum; chorumq; huius in terra militantis celestem illum triumphantis Ecclesiæ repræsentare, & ecclesiasticorum exemplo cæteros ad pietatem, & rerum sacrarum venerationem accendi oportere.

Cessent ibi risus, ioci, rixe, & colloquia, locum non mutant, nec libros, litteras, scriptaue alia legant nec officium priuatè dicant, aut illo nondum communi ter expleto exeant.

Post diuinum in choro expletum officium, flexis genibus summissa uoce orationem Dominicā, et salutationem angelicam iuxta reformationem Breuarij Romani, sicut, & in principio dicant, omnesq; simul orent paulisper, nec surgant, nisi signo dato a Præfæcto chori, ac ordinatè ad sacristiam omnes progrediantur, ubi modestè cum silentio superpelliceum exuant & reponant, non autem in ecclesia, uel in choro se uestiant uel spoliant.

Nec pileum in choro, neque chiriutechas deferant.

De pertinentibus ad celebrationem Missarum, & diuinorum officiorum.

IN altari, in quo Episcopus celebrauerit nullus Ico die absq; eius licentia celebret, neq; in alio eiusdem ecclesiæ eodem tempore ipso celebrante, nisi peracto

peracto Episcopi sacrificio, & post illius benedictionem.

Sacerdotes omnes frequenter celebrare maximè con-
nit, præsertim singulis dominicis, festisq; alijs, atq;
ieiunij diebus.

Curati uerò ter, aut pluries in hebdomada, pro-
ut loci consuetudo; aut ecclesiæ necessitas expo-
stulat.

Qui missas obtinent ipsi per se, non per alium, &
in capellis, siue altaribus, quibus ille debentur, cele-
brent; nisi ex fundatione, siue institutione, uel alia iu-
sta causa ab ordinario cognita, & approbata, & de il-
lius expressa licentia loco commodiori, & per alium
satisfieri posse legitimè concedatur.

Nemo Missarum numerum suscipiat, nec illi ordi-
narius conferat, nisi, cui perse quisquam intendit, &
commodè potest Episcopi iudicio satisfacere.

Missarū reductiones ad minorē numerū quàm in illa-
rū institutione, siue fundatione expressū sit auctoritate
Con. Trident. quodocunque alias factæ, uel in poste-
rum faciendæ, ijs tantū suffragentur, qui resident,
& cathedrali, siue parochialibus ecclesiis ministran-
tium Clericorum, & rerum necessariarū omnium sum-
ma penuria laborantibus, solent esse auxilio, non
autem absentibus.

Missas obtinens in titulum sacerdotalia indumenta
habeat, ac sacras vestes ad Missæ celebrationem ne-
cessaria, quæ suæ sint, quibus utatur, siue pere,
siue per alium celebret, ecclesiarum paupertate sic
exigente.

Missæ sacrum nec citius, neque tardius spatio
congruo.

congruenti, quod ab horæ dimidio parum distet, perficiatur, & ut id obseruetur, horologium aliquod in sacristia habeatur, & cum illo sæpe experimentum fiat. Celebraturus cærimonias a Romana Ecclesia institutas ad unguem obseruet; ac illis nihil penitus addat, uel detrahat, & ab omni capitis, oris, & reliqui corporis motu indecoro abstineat.

Clara etiam uoce palam dicat, quæ alta sunt uoce dicenda, ac distinctè, nec tardius, nec celerius, quàm decet uerba proferat, ut qui audiunt intelligant, & ad pietatem excitentur.

Dum Missam celebrat sacerdos oculos uel ad altare, uel ad terram flectat, non autem circumuoluat.

Memoriter dicere, aut canere, ob errorem, qui occurrere posset, non præsumat, ne cum subbireto quouis modo celebret.

Missam antea totam perlegat, ac deinde ad tantum se præparet ministerium, eo modo, quo inferius adnotabimus.

Eundo, uer redeundo ad altare caput nemini aperiat, neq; Episcopo, sed illi sese profundè inclinabit.

Missæ nec ante auroram, nec post meridiem celebrentur.

Ordo seruetur in ipsis celebrandis in officio sacristie descriptus; ut prima diluculo, reliquis uerò deinceps debito intervallo distributis, postrema autem, quò tardius liceat celebretur.

Nec plures tribus, uel ad summum quinque orationes, seu collectæ dicantur: festis uerò diebus rubricamissalis Romani omnino seruetur.

Et si à pluribus eodem tempore in eadem Ecclesia
Missæ

Missa celebranda sit, ita inter se altaribus disiungantur, ut alter alterum non perturbet.

Qui absq; speciali licentia missam ausus fuerit inchoare, uel de sacristia exire ante peractam communionem ipsam præcedentis misse, uel statutis ecclesiæ ordinibus in ipsis celebrandis non seruatis, habeatur pro contumace, ac si missam non celebrasset, & pœnis subiaceat taxatis, & Episcopo arbitrarijs.

Sacristanus in ciuitate, & Parochus in diœcesi singulis diebus diligenter, ac fideliter annotabunt missas omnes non celebratas, uel si malunt celebratas tantum; ut ex ijs possint dignoscere, qui debitæ celebrationi defuerint, quorum pœna sit Episcopi arbitraria, & sacristiæ usibus integra applicetur; & ex nunc applicata intelligatur.

Sacerdos ad celebrandum, sacris indutus uestibus neminem alloquatur, nec loquentibus aures præbeat, neq; biretum, chirothecas, sudariolum, uel quodcunq; in altari deponat.

Ad altare neminem expectet ad missam audiendâ.

Sacerdoti celebranti assistat minister, & is Clericus, ubi haberi possit, talari ueste, & superpelliceo indutus; qui candelas, urcelos, & alia necessaria præparet, & suo loco singula collocet, antequàm sacerdos ad altare accedat, uel Missam incipiat.

Clericus, post inceptam missam, per ecclesiam ne uagetur, nec cum alijs colloquatur, sed modestè corpore composito stet genuflexus altare uersus post sacerdotem, & nisi sumpto corpore, & sanguine Domini, & perfecta celebrantis communionem, non surgat.

Luminaria, nisi perlecto Euangelio in fine missæ

non

non exstinguet .

Exstinguat autem terram versus , uel operculo exstinctorio , non manu , uel contra parietes , aut angulos altaris .

Sacerdos de Sacristia non exeat , nec ab altari discedat , nisi præcedente Clerico .

Corporalia , post Missarum celebrationem , reuerenter super patena per Sacristam excutiantur , & si quæ fragmenta fortè deciderint , reponantur in certo calice , uel pyxide , ac in tabernaculo Sanctissimi Sacramenti , a proxime celebrantibus sumenda , uel ab ipso sacrista , dum celebrat , quod , ut commodius fieri possit , licebit sub ipsa hostia uel simplici anima supra corporale intra ipsum calicem , statim sumpto Christi corpore excutienda : petita prius , atq; obtenta huius rei (quatenus opus sit) superiorum licentia .

In ecclesijs capellis , & seculariũ oratorijs , quæ in aliquius parochialis ecclesiæ finibus constitutæ sunt , Missam celebrare dominicis , reliquisq; festis diebus nemo præsumat , priusquam absoluta in parochiali ecclesia Missa fuerit , & concio , nisi de expressa licentia ordinarij .

Presbyteri , & Clerici omnes diebus Dominicis , & festis solemnibus quatragesimè ; item , & ieiuniorum in cathedrali , aut parochialibus ecclesijs , diuinis officiis , ac Missæ solemnibus , siue parochiali interesse , auxilio esse , & inseruire studeant

In singulis Parochiis duo , uel saltem vnus Clericus talari ueste , ac suppelliceo indutus Missæ inseruiat ; alias ibidem Missa non celebretur : & ubi nul-

lo pacto haberi possunt Clerici, erudiantur, & ue-
stiantur laici adolescentes ueste illa talari, ac super
pelliceo, dum Missæ, siue diuinis alijs officijs inser-
uiunt; & propterea duæ saltem vestes, & toti-
dem superpellicea ad id in omnibus sacrificijs asser-
uentur.

Vbi nullus haberi potest Clericus, qui Missæ inser-
uiat, ut decet, Missæ ad aliam ecclesiam commodio-
rem transferantur.

In quibuscunq; ecclesijs, capellis, & oratorijs, eti-
am regularium, peregrinum sacerdotem secularem, re-
gularem ne penitus incognitum celebrare, non est
ferendum, nisi facultatem ab ordinario loci in scri-
ptis se habere doceat; quæ non faciliè concedatur, nisi ha-
benti dimissorias literas, à suo Episcopo firmatas.

Ad sacrum presbyteratus ordinem promotus non
antea Missam celebrare audeat, nec admittatur, ni-
si plenè de caerimonijs edoctus secreta memoriæ te-
neat, mysteria, & partes Missæ, ac illarum signi-
ficationem perfecte intelligat, præparationes iidem
in promptu habeat.

Isq; in maiori Ecclesia Missæ solemni sacro die-
bus festis epistolam, aut euangelium canere non recu-
sabit, ubi necessitas urget; donec post eum duo alijs
sacerdotes pariter efficiantur.

Ornamenta altarium, & paramenta in ecclesijs non
lacera, uel sordida, sed integra, pura sint, & munda,
corporalia præsertim, & purificatoria.

Sacerdotes uino utantur albo in sacrificio Missæ.

Postrema digitorum ablutio, uel purificatio super
calice cum aqua ultimo loco, sed prima ablutio
calicis

calicis cum uino tantum fiat .

Sacerdotes maioris ecclesiæ seruitio addicti , si contingerit in alijs ecclesijs , Episcopo permittente , Missas celebrare solite , ita se habeant , ut neutra ecclesia suo seruitio fraudetur , & cum clero saltem Missæ solemni intersint , atq; conueniant omnes .

Celebrantes extra ciuitatem post offertorium populum docere teneantur orationem Dominicam , salutationem angelicam , Symbolum apostolicum , præcepta diuinæ legis , & quæ Episcopus magis expedire , & utiliora esse iudicauerit .

Hoc idem , etiam Regulares omnes , saltem in primis duabus Missis , quibus rudiores , & pauperes solent interesse festiuis diebus , facturos confidimus .

Plures eleemosynas accipere pro unica Missa nulli liceat ; cum sic accipiens , non tantum peccet , sed ad restitutionem teneatur .

Missæ omnes , quæ Monialium monasterijs debentur , in cathedrali ecclesia celebrentur ; quæ tamen ecclesiæ totidem Missas per certum , deputandum ab Episcopo , capellanium , eisdem rependat monasterijs .

Tabella in qualibet sacristia stet affixa , in qua describantur Missæ singulis diebus celebrandæ per quos , qua hora , & ad quæ altaria .

Liber iudem in quacunque capella , extra cathedralem , siue Parochiales ecclesias posita , habeatur , in quo , celebrans diem , & testes singulatim annotabit debiti officij persolui , cum subscriptione eorundem festium , saltem singulos menses .

Qui liber , ac tabellæ , saltem singulis mensibus pereligendum ab Ordinario uideatur fideliter , ac diligenter

ter, quo negligentes puniri, & ad satisfactionem compelli possint.

Studere debet sacerdos, ita se ad tam tremendum sacrosanctum ministerium ritè peragendum, præparare, ut quædam ante Missam, quædam uero in Missa, & quædam post Missam, tota deuotione spiritualia exercitia fiant, & obseruentur inferius annotanda.

De prædicatione uerbi Dei.

PRÆDICATIONE uerbi Dei, quod præcipuum munus est Episcopi frequens sit in cathedralibus, & parochialibus ecclesijs, præsertim Dominicis diebus, aduentus Domini, & quadragesimæ; festis uero paschalibus, Corporis Domini, & alijs principali oribus anni solemnitatibus, præsertim cum celebrat Episcopus, sermonem ad populum per se ipsum habere maximè conuenit, & ubi frequenti populo Sacramenta in ecclesia est ministraturus, ipsorum uim mysteriorum, & cærimoniarum significationem declarare.

Sic iubilei cuiusuis, ac uisitationis tempore de subiecta materia aliquid breuiter, piè, & grauiter disferere, ac docere utilissimum, ac necessarium cum populo, tum ipsi Episcopo salutare, ac laudabilissimum existimamus.

Nemo audeat publicè concionari, nisi de expressa licentia Episcopi, & nisi facta fidei professione, atq; habita, & bene uisa prius instructione, inferius describenda, eorumq; obseruanda, ac fugienda à concionatore, hic statuimus.

Qui

Qui prædicandi officio funguntur sacram scripturam interpretari debent, eo sensu, quem semper Catholica mater Ecclesia comprobauit, in euangelij, Apostolorum Symboli, orationis Dominicæ, salutationisq; angelicæ, Decalogi, ac Sacramentorum Ecclesiæ, Sanctorumq; rituum dilucida, ac deuota, ex Sanctorum Doctorum doctrinis explicatione, præcipuè decet esse occupatos concionatores; non autem in hereticorum opiniones apud imperitorum multitudinem, uel in difficiles, inanesq; questiones exagitandas, nihil uero ambiguum, anceps, concisè, & obscurè, ac ostentandæ doctrinæ, & eloquentiæ causa tractabunt.

Decreta Conciliorum præsertim Tridentini, quæ ad mores, & Christianam disciplinam pertinent, atq; constitutiones has studiosius etiam inculcabunt.

Populos suis obedire præpositis etiam discolis, doceant, & quonam patto bonis animi, & corporis, quouero modo secundis, aduersisq; rebus utantur; ut ea sint illis instrumenta ad uitam æternam consequendam: uitia quæ nouerint esse frequentiora illi loco frequenter reprobent.

Caueantq; ne quod prædicatione edificant, id uita, moribusq; destruant.

Nec certum Antichristi tempus, extremumq; iudicii diem pronuncient.

Neq; historias ex apocryphis scriptoribus, aut noua miracula, uel ineptas fabulas, ridiculoq; uerba percontentur.

Prælatos uè, nec magistratus cum auditorum offensionem, publicè asperius obiurgent.

Neq; aliquem populo paupertatis nomine absq;
Episcopi

piscopi licentia cōmendent.

Nec inter concionandum, si permissum fuerit, il-
lus elemosynam, nisi peracta concione, ad ecclesiæ
ualuas peti permittant.

Concio sacra non de nocte, sed opportuno tempore
fai.

In ecclesia curabunt Episcopi, & Parochi, ut vi-
rorum, & mulierum distincta sint loca; & in audiē-
dis prædicationibus, aspectu etiam aliquo, intermedio
tabulatu, disiungantur.

Initium quadragesimæ, & aduentus Domini, &
pœnitentiæ Sacramentum, confessionis, & sanctissimæ
Eucharistiæ sumptionis, vitæ innouatione, & a viui-
orum vero ieiunio, sumendum esse.

Post verò medium quadragesimæ, ut fideles om-
nes ante palmarum dominicam, sua peccata omnino
confiteantur, atq; etiam, ut ecclesias, præcipuè, dum
diuina celebrantur officia, frequentent; eosq; doceant
nè diuinæ scripturæ verbis ad profana colloquia, aut
ad impias incantationes, diabolicasq; superstitiones,
vel famulos libellos abuti, quis audeat.

Nullus solemnis labatur dies, in quauis ecclesia,
vbi frequens est populus, absq; concione, aut lectione,
inter Missarum solemnias, recitanda.

Quod is, cui illius ecclesiæ cura commissæ est, pro
ui Episcopus mandauerit, fieri, & exequi diligenter
procurabit.

De Regularibus.

CVRENT Episcopi singulis annis, quorūcumq; monasteriorum Regularium suis in diocesisibus, existentium superiores ad se conuocare, ac eorum studium, & diligentiam pro diuini cultus decore, suarum visitationum, ac sacri Concilij Tridentini executione exquirant, eosq; omnia, & singula ad quæ tenentur, ut exequantur moneant, & hortentur in Domino.

Ut tabella in sacristia perpetuo affixa sit, omnium onerum, & obligationum de Missis, & anniuersarijs defunctorum faciendis :

Alia onera in secularibus ecclesijs ne suscipiant, quibus, suis ecclesijs, ac debitis oneribus desint.

Nec inhabiles, illiteratos, & eos, qui Missarum ritus ignorant, & caerimonias, vel corporis, animiq; defectum patiuntur aliquem, ad Missæ celebrationem publicè, admittant.

Cænobia Religiosorum muro septa, ita seruentur, ut aditus, nisi per cōmunem portam nulli pateat, portaq; ipsa (ut decet) clausa teneatur.

Laicos intra septa monasterij versari, nisi ex urgenti causa nullatenus patiantur, nec in sacristia, dum ad diuina celebranda præparantur.

Facinorosos, et iā suspectos omnino excludāt, ne i poenarū Bullæ S. D. N. Gregorij Papæ xij. contra ipsos receptatores emanatas incidant: tam intra, quàm extra ciuitatē soli, noctis verò tēpore etiā associati nō incedant.

Confessiones non, nisi in ecclesia, audiantur; & confessionalia loco conspicuo, ad iam præscriptam formam conuenienter aptentur.

Qui :

Qui confessiones audiunt, eorum nomina, qui in quadragesima confitentur describant, & post octavam paschalis Episcopo deferant.

Ecclesiarum munditiam, sacristie, altarium, sacræque suppellectilis, & rerum omnium sacrarum conseruent, atque etiam in omnibus, quoad fieri poterit, cathedralibus ecclesijs se conformare studeant, ut scilicet lectiones, exercitia de casibus conscientiae, deque his frequentes concertationes inter se in singulis cenobijs habeant, vel ad ecclesias ubi huiusmodi lectiones leguntur accedant.

Intra Missarum solemnia, dum extra ciuitatem celebrant, ea fideles doceant, quæ ab alijs presbyteris secularibus seruari, ac doceri Episcopus statuet.

In prouinciali Synodo inquiratur, an Regulares exequantur, quæ Tridentina Cõstitutione de eis sancita sunt in defunctum capitulum generalẽ in Prouinciali Concilio supplenda, ac prouidenda eiusdẽ Tridentini Decreti.

De festorum dierum obseruatione, & cultu.

EA dumtaxat festa obligare ad obseruationem volumus, quæ a Sancta Romana Ecclesia statuta sũt, reliqua verò pro locorum deuotione inuenta, usque ad expleta tantum Missarum solemnia ab omni seruilis opere abstinere, & Missam audire viriusque sexus fideles teneantur: Patronorum tamen festis praesertim ciuitatis, & cathedralium ecclesiarum in suo robore & consuetudo instituto permanendis. Idem statuimus de festo

Patroni ecclesiæ parochialis in proprijs eiusdem ecclesiæ finibus integrè , pièq; seruari .

Festus dies , & in quo , quis ab opere seruili vacare debet , ut iure statutum est , à media nocte præcedente colatur , & obseruetur vsque ad mediam noctem ipsam diem subsequentem .

Nihil veniale exponatur præter ea , quæ ad vitum eius diei sunt necessaria , vel ad infirmorum curationem .

Curent Episcopi , ne festis diebus , cum diuina præsertim celebrantur officia , vel solemnioribus indulgentiarum processionumq; temporibus inania spectacula choreæ , vel saltationes in ciuitatibus , suburbij , oppidis , & vicis fiant ; neq; contractus , aut cuiusuis executiones , subhastationesq; absq; ipsorum licentia .

De processionibus .

CLERICI omnes in processionibus quibuscumq; talari veste , ac superpelliceo induti absq; chirothecis , & pileis sed cum bireta , quo decet ordine , ac moderatione procedant , inanibus colloquijs omnino exclusis ; psalmis , himnis , canticisq; spiritalibus psallentes , non ore tantum , sed corde , & ad id , quod agitur , finemq; eius , ac significationem , tum verborum cum caerimoniarum ipsarum mentem dirigant .

Laici à Clericis , & femina à viris seiuncti prosequantur .

Candelis accensis in Sanctissimi Sacramenti processione ,

sione, capiteq; detecto (nisi pluvia, vel infirmitas impediatur) omnes incedant.

Musici cuiusvis generis instrumentis nullo pacto uti liceat in processionibus.

Aulea, picturaeq; profanum, vel lascivum aliquod, præseferentia, recitationesq; carminum, ac representationes iocose, & inanes omittantur.

Nullus neq; masculus, neq; fœmina tẽpore processionis fenestris insideat, sed, vel prosequatur, vel in atrio domus, aut intus oret, & genuflectat.

De his quæ pertinent ad Sacramentorum administrationem.

SACERDOS quicumq; , cautẽ animadvertat, ne in mortali peccato Sacramenta ministret.

Ante omnia Sacramentorum minister actualem in se suscipiat intentionem, vel eam saltem, quam sacri theologi virtualem vocant, videlicet, se velle realiter, & cum effectu Sacramentum conficere; & hoc quantum ad sacram Eucharistiam.

Quantum verò ad alia Sacramenta cum omni similiter affectu, ea intentione ministrare, & conferre, sicuti Sancta mater Ecclesia Romana instituit, atq; ministrare intendit.

Hisq; cœrimonijs, & orationibus in administratione Sacramentorum utitur, quibus in sacerdotali pontificali; Romana Ecclesia utitur.

In ipsorum administratione omnes, iuxta sacri Concilij determinationem, tollantur abusus, maxime, qui quæstum sapiunt, vel superstitionem.

De Sacramento Baptismi.

FONS baptismalis è marmore, aut duro constet lapide non spongioso.

Operimentum pyramidale habeat, et ad sacra olea tuto conservanda decenter accommodatum, velo è tela saltem opertum.

Tabellam item intrinsecus, quæ dimidia tantum aperiatur, fontisq; ostium compressè claudens, ut aqua à pulvere, et sordibus cautius tueatur.

Sepiatur unumquodq; baptisterium lignicis cancellis.

Præterea si extra capellā, aut parietis concavitatem constructum sit, tegmen habeat ex marmore, vel tabulis, aut è tela decenter picta, confectum.

Alqua etiam imago in pariete proximo, veluti Sancti Ioannis Baptiste Christum Dominum baptizantis loco convenit.

Sit quoq; in ecclesiæ ingressu collocatum, idq; à sinistra ingredientium parte, nisi pro situs ratione, illud ab altera potius collocandum Episcopus indicaverit.

In baptismalis fontis ciborio, mantilia saltem duo munda seruentur, quibus infantium capita abstergantur.

Si tamen aliquando mantilia, sudoriola ve nova afferuntur, in ecclesiæ usu conuertantur.

In baptismali autem fonte, caveat baptizans ne aqua

aqua infantis capiti infusa in eodem fonte recidat, sed bacili paruulo arceo, stannatoq; colligatur, dum caput infantis abluitur, & deinde in sacrarium projiciatur, propè fontem constructum.

Nemini liceat quēquā intra domesticos parietes baptizare, nisi instante necessitate, & mortis periculo: quod si domi baptizatus ad veram baptismi formam superuixerit in ecclesia praesentetur, ut baptismi ritus tantum, caerimoniarq; adhibeantur.

Is in libro baptizatorum, sicut & ceteri in ecclesia baptizati, ut moris est, à paracho describatur.

Compatrium quoq; ac testium duorum saltem nomina simul, & cognomina.

Capituli, infideles, adulti, & qui mancipia appellantur, in quibus signum aliquod conuersionis cognitum fuerit, omnia, quae Christianos scire oportet doceantur: ac, nisi prius instructi, & diligenter examinati fuerint ac de Episcopi licentia, non baptizentur.

Parochus baptizandi formulam publicè populum, ac mulieres obstetrices priuatè, & diligentius in ecclesia doceat; easq; admoneat ne statim natos baptizent infantes, nisi instante mortis periculo, ordinq; ac forma seruata, quae baptismi conuenit, & catechismo Romano continetur; nec tamen ultra octauum diem baptismum differre in periculum animarum patiantur.

Parochus compatres, siue commatres doceat, quam cognationem, tam in baptismi, quam in confirmationis Sacramento contraxerint, & qualiter ex hac spiritali cognatione puerum catholicam fidem, probatosque mores docere, eiusque salutis curam

gerere (si parentes id facere omittant) teneantur .

Videat Parochus, ne excōmunicatos , uel eos , qui eo anno pascale tempore confessi , communicariq; non fuerint , uel orationem Dominicam , salutationem angelicam , & Symbolum fidei nescientes , ad leuandum de sacro fonte baptizatum , admittat , ueluti nec ad confirmationis Sacramentum .

Obstetricibus interdicator exercitium, & nemini concedatur , nisi prius fuerint ille edocte à parochō de uera baptizandi forma , & ab eodem in scriptis obtenta licentia .

De Sacramento Confir- mationis.

CONVENIT, ut hoc Sacramentum singulis annis primo die Pentecostes , mane , potius quàm uespere , in maiori ecclesia , & eo meliori , ac sanctiori, quo decet ordine , atq; solemniter conferatur.

Dum hoc ministratur Sacramentum , Parochi Episcopo assistant , ex libro baptizatorum , siue status animarum puerorū etates recognoscant, minorem septennio non admittant .

Reliqui omnes Canonici , & ministrantes circumstent superpelliceis induti ; neminem, nisi idoneū prius recognitum ad Episcopum ingredi permittentes .

Confirmatorum nomina , patrinorum & dies per Episcopi cancellarium diligenter , fideliterq; describantur .

Pramoneant Parochi, ut quicumque intra suae parochiae

rogis fines adulta ætate confirmandi sunt. prius sua cōfiteantur peccata; ac etiam ieiuni ad hoc Sacramētum, quando mane ministratur accedant.

Describant singulis annis, quos habiles ad hoc Sacramentum suscipiendum in propria parochia iudicauerint, ac per aliquot dies ante festum pentecostes ad Episcopum deferant scripta confirmandorum nomina.

Olea, & sanctum Chrisma, nisi sacris iniuncto deferre non concedatur.

Confirmati frons primū bombice diligenter à Sacerdote abstergatur, mox à clerico, in sacris confluente aqua lauetur, sudarioloq; abstergatur; aqua uerò, in sacrum projiciatur.

De Sacramento pœnitētiæ.

IN confessionalibus quarumcumq; ecclesiarum hæc sint affixa, uidelicet, imago sacra Crucifixi, tabella casuum, quos sibi Episcopus reseruauit, & forma absolutionis Sacramentalis; Bulla uero Cenæ Domini in sacristia affixa permaneat, cum annotatione etiam aliorum casuum, de iure summo Pontifici reseruatorum.

Confessionalia ipsa tabulam inter confessorium, & confitentem habeant interiacentem cum lamina ferrea exiguis foraminibus, ad audiendi, non uidendi cōmoditatem perforata, maxime pro audiendis mulierum confessionibus.

Priuatim in domibus, confessiones audire, nisi necessitate urgente nulli liceat; neque in ecclesia ante solis ortum;

lis ortum, vel post eius occisum.

Episcopus, iuxta sacri Tridentini Concilij, præscriptum in sua cathedrali ecclesia prænitentiariū instituat cum vniōe præbendæ, quæ si tenuis est, illi simplex aliquod beneficium vniatur, qui ad poenitentiae sacramentum, ceteraq; ad sacras confessiones audiendas pertinentia confessarios instruat, & clericos.

Seculares, & Regulares presbyteri ad audiendas confessiones admittantur, qui vita, moribus, doctrina, & etia in examine idonei reperti fuerint.

Regulares habeant scriptam fidem suæ probitatis, & doctrinæ, ac licentiam à suo Prouinciali, vel illius Vicario.

A casibus Episcopi reseruatis, cuiusvis priuilegij indulgentiarum, ac iubilei prætestu, nisi de licentia ipsius Ordinarij, neminem absoluant, præterquam si ex literis Apostolicis post Concilij Tridentini publicationem emanatis; id eis permissum sit, de qua tamen facultate fidem ordinario per earumdem litterarum ostensionem, prius facere teneantur.

Votorum non reseruatorum commutationes in maiora, æqualitate, ac Deo gratiora pietatis opera, tantum concedantur.

Medici, ubi ad ægrotos curandos secundò, vel tertio accesserint, eos admoneant, & compellant, ut suorum peccatorum confessionem faciant, iuxta Pij V. bullam; alias ipsorum curam negligant & omittant.

Medici, Parochum de subditorum infirmitate certiore faciant per se, vel per alium, quo statim is, pro sui officij munere, ægrotos uisitare, spiritualibus remedijs subuenire, & ad necessaria Sacramenta suscipienda hortari

bortari, & inducere queat.

Confessarj sciant in primis Canones poenitentiales, ut de peccatorum, ac poenarum gravitate possint poenitentes admonere, sibiq; non licere ab excoꝻmuni-
catione notoria, vel, quæ ad forum iudiciale deducta sit absolvere; neq; super irregularitate, cuiusvis, etiam iubilei, & indulgentiarum virtute, aut litterarum Apostolicarum auctoritate, nisi specialiter illam contineant, dispensare, neq; in illis suspensionibus, & irregularitatibus, quæ ex occulto proveniunt delicto absq; Episcopi auctoritate, iuxta Conciliũ Tridentini, & Illustrissimæ Congregationis declarationem,

Qui alicuius restitutionis, vel legatorum ad pias causas obligatione reperitur adstrictus, sitq; solvendo, si semel absolutus cum promissione satisfaciendi, non satisfecerit, denũ non absolvatur, nisi facta prius satisfactione, saltem perpignora, vel idoneum fideiussorem, vel à creditore novam dilationem obtinuerit.

Commutationes piorum legatorum non reservata paruiq; momenti, quæ aliquando confessorj solent concedi, nullo pacto in sui, vel suæ religionis, & ecclesiæ lucrum, vel utilitatem commutabunt, sed in alienæ ecclesiæ potius, ut quæstus omnem suspicionem effugiant.

Idem servetur de quacumq; multa siue elemosynali poenitentia pro modo culpæ, iudicio confessorj, foris iniungenda.

Poenitentia illa salutaris præcipua sit, & à confessorj

sarijs imponatur matutinæ, ac vespertinæ certæ orationis, & quotidianæ alicuius spiritualis exercitationis breuioris, seu longioris pro capiti, & pœnitentium qualitate.

Nec quicquam in ipso actu confessionis à pœnitente exigant, vel accipiant, confessionis causa; neq; à sponte dantibus.

Confessarius suos pœnitentes litterarum ignaros moneat, ut quilibet coronam habeat, eamq; quotidie deuotè dicat in ecclesia, siue domi, vel etiam in itinere, ubi aliter non potest; & quod in ecclesia ante Sanctissimum Sacramentum ambobus genibus flexis, & in tota missa (excepto euangelio) orare assuescat.

Mulieres uerò, ut quadragesimæ, aliorumq; ieiuniorum tempore simplici, atque humili uestitu utantur, multo magis in hebdomada sancta, ac ad confessionem, & communionem, non, nisi capite uelato ad mediam usq; faciem accedant.

Rudes pœnitentes, & rurales in initio confessionis orationem Dominicam, salutationem angelicam, & apostolorum Symbolum iubeat recitare, errantesq; doceat, & grauiter arguat.

Illosq; si semel, & bis moniti, memoriæ mandare neglexerint, nisi de licentia Episcopi, non absoluat.

Constituuntur plures sacerdotes idonei, qui in ciuitate, ac diœcesi audiant confessiones Clericorum omnium.

De Sacramento Eucharistiae.

TABERNACULUM, quod pro agendis processionibus, uel exponendæ sacræ hostiæ usus est, ex lucido sit cristallo, uel uitro, lunulamq; habeat cum supposito, ex argento paruulo scuto, ut aperiri cōmodè possit, & fragmenta colligi.

Duas pyxides unaqueq; parochialis ecclesia habeat, unam maiorem ad sacræ communionis usum, populo in ecclesia ministrandæ, alteram uerò minorem, qua Sanctissimum Sacramentum ad infirmos deferatur.

Parochi ritus omnes maioris ecclesiæ, & obseruationes in huius, atq; aliorum Sacramentorum administratione pro uiribus imitari studeant.

In quibus solemnitatibus frequens populus cernitur communicaturus, mares à feminis disiungantur duabus paratis mensis, uel, primò maribus, deindè fœminis admissis, & communicatis.

Et interim dum Sacramentum ministratur sacra aliqua lectio arbitrio Episcopi, ad rem accomodata non desit.

Feria quinta cenæ Domini sacerdotes omnes eodem die non celebrantes, Clerici, & tota Episcopi familia Eucharistiæ Sacramentum sumere non omittant.

Eadem quinta feria distribuatur certus numerus confratrum societatis Corporis Christi per singulas horas, ad sacellum sancti sepulchri custodiendum, ibiq; orandum toto illo tempore, quò illic sanctissima eucharistia detinetur.

Parochi Sanctissimum Eucharistiæ Sacramentum paschali

pascali tempore, ipsi tantum ministrabunt, qui, uel originem, aut incolatum in parochiæ finibus uerè contraxerunt.

Ideoq; ante omnia cōmunicaturis, & toto populo denuntiabunt, quod si quis eorum parochiæ suæ incola non est, ad suam parochialem ecclesiam reuertatur, ubi eo tempore sacram cōmunionem sumere tenetur.

Parochus, post octauam paschæ, statim scripto deferat ad Episcopum nomina eorum, qui cōmunicauerint, & qui non: quorum si reperti fuerint aliqui extra dioecesim cōmunicasse eis nihilominus terminus detur; intra quem in sua parochia possint, ac debeant, etiam cōmunicare: reliqui uerò pro culpæ ratione, & negligentis semel moniti, iuris remedijs censurisq; ecclesiæ parere, & propriæ salutis prospicere compellantur.

Mulieres sacello sancti Sepulchri, dum in eo sanctissima Eucharistia asseruatur, ibiq; homines inuigilare solent, aut orare, neq; nimium appropinquet, neq; circumflectant.

Episcopus de uita, & moribus pauperum mendicantium diligenter inquireat, curetq; ut in paschate sua peccata confiteantur, atq; cōmunicent.

Non plures quinque particule cōsecratæ in altari, ac tabernaculo assidue conferuntur, singulis octo diebus, quinta quaq; feria, in memoriam institutionis, renouandæ.

Ante cuius conspectum die, noctuq; plures, uel una saltem lampas accensa conspiciatur.

Cum sacrum Dominici Corporis Sacramentum Pa-
rochus

Parochus ad ægros deferat, non solum superpelliceo, & stola, sed etiam pluuiali, umbella simul seu baldachino, ac tintinnabulo semper utatur, campanæ maioris sonitu, fidelibus prius de more conuocatis.

Vasculum sub uelo decenter coniectum, ac etiam purificatorium secum deferat pro digitis abstergendis, cum duabus sacratissimis particulis iuxta Romani ritus consuetudinem.

In domo ægroti mensa cum luminaribus pareatur, & aqua sit ibi, uel uinum pro digitorum ablutione sacerdotis, ac purificatione infirmi.

Aqua etiam benedicta, cum qua infirmum, & assistentes omnes sacerdotes aspergat.

Cum ad ecclesiam redierit comitantibus indulgentiâ, quam consecuti sint denuntiet, eisq; benedicat.

Si Parochus ipse, legitime impeditus, sacrum ægro uiaticum afferre non poterit, ministerio confessarij sacerdotis utatur: non autem illius, qui nondum ad confessiones audiendas ab Episcopo est admissus.

Nec deferatur Sanctissimum Eucharistiæ Sacramentum infirmo, nisi ieiuno, de mane, nisi periculum sit mora.

Instituatur oratio xl. horarum in cathedrali, & parochialibus ecclesijs, saltem quattuor anni solemnioribus temporibus; idest Natalis Domini, paschalis resurrectionis, pentecostes, & infra octauam Corporis Christi, de die tantum post missarum celebrationem.

De Sacramento extreme Unctionis.

EPISCOPVS diligenter inquireat; an parochi erga in firmos se exhibeant paratos, ac diligentes ad omne animarum, & corporum, ad quod tenentur obsequium; desides excitet, ac etiam grauius puniat pro modo culpæ, & per se ipsum, ubi commodè potest, grauius laborantes, iuxta personarum qualitatem paterna charitate aliquando uisitare, non dedigne tur; & Episcopalem moribundis benedictionem impartiri, uel ipse parochus; & confessarij in extremis laborantes inducant ad ipsam sibi per alium petendam benedictionem.

Parochus, cum ad Sacramentum extreme unctionis ministrandum accesserit (quod tantum moribundis medicorum iudicio est ministrandum) & ægrotus omnem interdum sensum amiserit, si adhuc uiuens, & dum rationis compos erat petierit, uel accipere non recusauit poterit sacramentum eidem adhibere ac ministrare.

Hortetur etiam astantes ut orent pro infirmo aliaque faciat, quæ ad solamen ægrotantis, & astantium edificationem sibi pertinere uidebitur; atque ad illius anime commendationem pressio semper erit; quod si dum Sacramentum ministratur æger moriatur, parochus uigilare desistat.

Cum autem ad infirmum in mortis periculo constitutum; & a parochiali ecclesia longè remotum, est eundem, Parochus poterit ad eum sanctissimam Eucharistiam; si uult & oleum infirmorum deferre, ut si opus erit

rit, illud etiam adhibeat.

Presbyteros, vel saltem Clericos, super pollicea
indutos, secū habeat; & in cubiculo infirmi mensam par
aulam flerni faciat; super qua vas cum bombyce, siue
suppa, quæ postea comburantur; mica panis, & aqua
int parata, ad abstergendas vñctiones infirmi, & ex
remittales digitorum sacerdotis abluendas.

Mulieribus pectus non renes inungat.

De Sacramento Ordinis.

E piscopus, statutis à iure temporibus ordinationes
celebraturus, uno, vel duobus ante mensibus publi
co edicto quotquot promonēdi sint, euocat it, ut statuta
die examen subituri accedant, quos circa ordinē, quem
quis suscipere voluerit, ipse Episcopus, vel alius, per
eum deputatus examinatur, non solum literarum, &
canus, verū etiam in recitandis horis canonicis per
tia experiri poterit, & veritatem de his, quæ infra in
uno quoque ordine statuimus, elicere.

Examinator, doctrina, moribus, & experientia
idoneus eligendus, postposita omni spe, vel metu,
atq; terreno affectu, solaq; Dei timore sibi proposito,
diligenter munus suum, atq; fideliter exequatur.

Memoria repetat, quæ Tridentina, & hac nostra
synodo statuta reperiuntur, eoq; obseruet diligenter.

Integrum & exactissimum illum examinandi ordi
nem perlegat, qui in Conc. Mediolanensi V. descri
pius continetur, et ad ea omnia examen suum recte
posse insinere, atq; accommodare.

E Examinandi

Examinandi ordo Conc. M. diolan. iussu sa-
 crae congregationis Cardinalium
 Conc. Trident. interpretū,
 hic describitur.

IN ecclesie administratione, ut necessarium, ita
 multiplex est examinis de litterarum peritia, & di-
 sciplina officiorum: modo namque ab Episcopo, cum ad
 eorum, qui ordinis sacramento initiandi sunt, tum etiā
 ad conditionatorum, confessoriorumq; approbationem ad-
 ducitur; tum præterea ad indagandam, perspicierendāq;
 clerici in litterarum studiis rationem, progressionemue:
 ad aliāq; uem multa Episcopo idem adiumento, atque
 usus est: malo autem non solum de illis, qui ecclesijs
 parochialibus, alijsq; curam animarum habentibus,
 proficiuntur, illud instauratur, & conficitur, sed de ijs
 etiam, quibus beneficiis ecclesiastica cuiuscumque ge-
 neris, vel litterarum Apostolicarum, quæ forma,
 D I G N I T A T E, conscribi solent, auctoritate, vel alio m-
 iure conferuntur, quæ ad ea præsentationis, nominatio-
 nis, electionisq; nomine influuntur. Quamobrem, ut
 ut omni, quacumque causa suscipitur, hæc examina-
 di ratio per examinatores, ut fieri potest, quam rectis-
 simè conficiatur, præter aliqua, quæ præsertim Conci-
 lio provinciali quarto enucleandi decreta sunt, hæc
 etiam instructiones conficiendæ censuimus, quæ par-
 tim ad uniuscuiusque examinandi modum pertinent,
 partim verò eorum examinum propria sunt. Et
 Atque ipsi quidem omnibus pro sua quisque pietate
 Episcopus, & prudentia alias etiam instructiones ad-
 iungat, ut de ijs aliquid venisset licet, prout e sua
 dioecesi

diocesi rationibus, atque usu esse videri.

Quae instructiones, ut in morem, & usum inducantur, cura sit eiusdem Episcopi, & Vicarij, qui examini praest.

Porro in primis examinatores in synodo dioecesana constituti, cum eorum, qui ecclesiarum parochialibus praeficiendi sunt, examen ineunt, iurisiurandi, quo publice in synodo, quo primum tempore delecti sunt, se se obstringerint, memores videant, ut omni humana affectione deposita, munus à se susceptum recte curent, atque administrent, ne quòd sanctae, religioesque spoponderint, violent, ac propterea periuri fiant.

Examini causa, occasioneve, nihil quicquam, ne minimum quidem, neque ante, neque vero post accipiant; alioqui sciant, qui dant, se simoniae crimen ex sanctione Tridentina subisse, nec vero pretereà se, neque adeò illos, qui dant, absolui licere, nisi dimissis beneficijs ecclesiasticis, quaecumque obtinent; ac inhabiles item factos se esse, quibus in posterum ea, vel alia conferantur.

De omni vero culpa, in suscepto munere commissà, & rationem etiam in Synodo provinciali reddant, in eaque grauius auctoritate Tridentini Concilij puniantur.

Nec vero item qui examinatores libere pro arbitratu Episcopi ad alios quocumque nomine, causaue examinando, asciscuntur, examinis occasione unquam quicquam, ne esculenta quidem, potulentave capiant. Qui contra fecerit, cum indignus deinceps censeatur, qui id muneris gerat, tum alia poena arbitrio Episcopi afficiatur.

Omnes vero examinatores, quicumque sint, no-

vini, sibi munus, etque adeo graue committi, ut si negligenter, aut male se villo modo gesserint, Deo in primi culpa, in eo munere admissa, exactam rationem reddaturi sint.

Quare non spe, non metu, non premio, non personarum ratione, non aliquo affectu ducti, muneris sibi commissi curam gerant.

Proposito sibi in primis timore Dei, ne quemquam, quem indignum norint, probent; rursus quem, experimento, periculose facto, idoneum, dignumque comperiant, ne rejiciant. Itaque grauitur, maturè, prudenter relligè; tum de probando, tum de rejiciendo de libarent.

Cum in locum conuenerint, ubi moris est, clericorum experimentum fieri, priusquam aggrediantur, à flato prece, orationeque congregationum vsui præscripta, quam de libro pronunciet, qui examini præsidet, initium faciant; hoc piè, intimeque precentes, ut Dei ope in primis illud relligè, prudenter, diuinæque voluntati congruenter conficiant.

Ne quempiam, de quo examen, periculumue fiat, examinatore alij collegæ vlla ratione commendet.

Ne ad alicuius examen accedat, nec vero suffragiis habeat, nisi Episcopi, Vicariique iussu ad illud euocatus.

Si quis, quempiam priuatim docuerit, qui examen subiturus est, cum id subibit, ne præsent quidem ille adsit, nedum ad examen addibatur; sed alius in eius locum, Episcopi, Vicariique iussu tunc vocetur.

Cautio diligens sit, ne alterius nomine quis examen experiatur, experimentumue subeat, quod aliquando factum

factum esse compertum est.

Queratur item diligenter de ijs, qui ad examen subeundum accesserint, an alias institutis de more examinandi quæstionibus, experimentum, periculumve sui fecerint, anq; si quid extet, quod de illis compertum, vel deliberatum sit.

Ne examinis initium fiat, nisi præsentibus adsint tum Episcopus, vel Vicarius, tum examinatores ex præscripto Concilij Tridentini, ad minimum tres, cum de beneficio curato quavis ratione conferendo examen instituitur. Id quod locum etiam habeat deinceps, cum vel de aliquo maioribus ordinibus initiando, vel de concionatore, confessoribus approbando examen conficitur.

Cum quis in examen venerit, eius vultus, & habitus corporis, & vestitus, & incessus, & gestus, & sermo inspiciatur diligenter.

Si quis vel clericali vestitu deformi ab ordinis ecclesiastici decore, aut disciplina alieno indutus, vel sine congrua pro sui status, & ordinis ratione tonsura accesserit, ne ad ullam examinis, experimentive rationem ei aditus fiat, nisi decenti veste amictus, & tonsura præscripta ad illud redierit.

Ne de villo quoque initiando, si modò non aliter Episcopus aliquando censuerit, examen, experimentumve antea fiat, quàm ætatis, natalium, aut dispensationis concessæ, beneficii ecclesiastici, vel pensionis, patrimonijque testificationes scriptas, easdemq; à Vicario Episcopali recognitas, illiusq; subscriptione signatas, ac probatas attulerit, exhibueritue: nisi aliquando Episcopus eas post examen exhiberi, recognoscere iusserit.

Neque item, nisi alias præscriptas decretis provincia-
libus, edictione Episcopali testimonies dederit.

Nec verò præterea, nisi de eo à Cancellario Episcopa-
li examinatores audierint, cognoverintque, quacumque
Episcopi iussu inquisitiones de eo factæ, atque ex offi-
cio præscriptæ, aliorum litteris significatæ, vel denun-
ciatæ, vel delatæ sint. Testimonies verò omnes,
tum ab eo, qui initiandus est, tum ab alio quovis exa-
minis occasione exhibitæ, Cancellario Episcopali resti-
tuantur, tradanturque.

Cuius sit illas ipsas in codicem certum, eo nomine con-
fectum, summatim referre, eundemq; in archivio Epi-
scopali asseruare.

Verùm testimonies ætatis, natalium, ac si de eo, qui
maioribus ordinibus initiandus est, agitur, patrimonij,
beneficijque ecclesiastici idem Cancellarius asseruet;
ac litteris publicis, quas de eo, qui ordinem suscep-
erit, conficiet, de illis pro ratione sibi præscripta testa-
tum faciat.

Cum examen initur illius, cui in curam certa eccle-
sia parochialis tradenda est, videant ante examinato-
res, qui, qualis, & quàm numerosus populus sit, cuius
parochialem curationem is suscipiet.

Qua sanè re diligenter explorata in examine, quod
inibunt, sibi proponant accuratè perspicere, an ad eam
curam suscipiendam, gerendamque idoneus omnino il-
le sit.

His omnibus ita præscriptis, examinatores ordine ad
interrogationes, questionesque veniant. Atque in exa-
mine quidem ea ratio ineatur, ut interrogationes, que-
stionesque is examinatus proponat, quem pro vicissitu-
dinis

dinis ratione, & pro doctrinæ, disciplinæque genere, modo hunc, modo illum, in eo ipso examine Episcopus, Vicariusque, examini præses, interrogari iusserit, ut ne vnus alterum vario, multipliciq; interrogationum modo certatim interpellet.

Interrogationum porrò, & quæstionum rationem examinatores ita teneant, ut illis inter se sic distributis examinis instituti rationibus, prout oportet, cumulate satisfactum sit; atque eorum vnusquisque quo de genere quærere institueris, ita de eo quærat, interrogetque, ut, quemadmodum par est, illius generis quæstiones, interrogationesque satis explicatæ sint.

Silentio, dum examen habetur vtantur: nec inter se colloquia, confabulationesque habeant: nec mutuas iidem quæstiones, dubiorumque explicationes sibi proponant; sed ad illius, de cuius doctrina interrogantibus quæritur, responsiones attenti, animum attentionis studio eidem addant, ad rectè explicandas propositas sibi quæstiones. Nec verò examinatore, loco suo interrogantem, alius inturbet: sed vnusquisque expectet, dum sibi ordine, pro quæstionis genere, rationeue interrogare contigerit.

In quæstionibus, interrogationibusque proponendis non verbis, non aspectu, non ulli modo seueros, vehementesque se præbeant; ut, qui examen subeunt, seueritate deterriant, animum ne despondeant, memoriaque languescant, ac vacillent non sine aliquo dedecore: at benigni, gratique animi significatione illos, vel differenter, vel respondentes audiant: nec verò quibusdam interrogantiunculis, aliaue vlla ratione interpellent.

Si quid autem vel in differendo, vel in legendo, vel in

pronunciando, vel in respondendo eos offendere animadvertent: ne tunc illos doceant, obiurgentue, ac ne moneant quidem, nisi quid ad examen rectè instituendum perficiendumue pertineat; sed examine peracto eos breui admoneant, doceantue, si quid necessario illos tunc admouendos, docendosue duxerint. In omnibus porrò, & singulis examinis interrogationibus spectetur non solum vniuscuiusque eorum, qui examinantur, scientia; sed etiam vsus, iudicium, ingenij vis, ac solertia.

Examinis autem omnium ea ratio instituta sit.

Ut primo de toto vitæ statu, genere, patria, domiciliis-
rè eius quærat, qui examen subit.

An impedimentum aliquod habeat, quo irreuitus, vel initiari, vel beneficium ecclesiasticum, cuius nomine experientum sit, vel prædicandi munus, vel confessiones audiendi suscipere, ac exercere non possit. Quo impedimento, si quis etiam occultè illigatus tenetur: id planè Episcopo saltem patefaciat, ne quisquam illegitimè vel initietur, vel beneficium consequatur, vel aliud munus suscipiat, geratue:

An in orationis sanctæ studio, vsuq; versatus.

Quibus meditationibus instructus, Deum tacitus oret.

Qui orationis modus.

Qui illius fructus, quæue utilitatis.

Quod, quibusue partibus illa constet.

Quæ regulæ præparationis ad orationem, & cætera multa eiusdem generis, prout prudens, piusq; examinador pro ratione aut personæ, de qua quæritur, aut causæ, ob quam fit examen, opus esse viderit.

His perquisitis, examinadores, ad sciētia, eruditionis-
ue experi-

ue experimentum descendant. *Ut autem ij certam sibi formulam proponant, qua illorum, qui examinantur, & literarum doctrinam, & vitæ clericalis disciplinam, & rei ecclesiasticæ peritiâ experiantur; in omni experimenti, examinisue ratione, sacris biblijs, catechismo Romano in primis, Concilio Tridentino, sacrorum canonum decretis, & alijs pontificijs constitutionibus, synodisq; tum provincialibus, tum diocesanis utantur, unde suas interrogationes hauriant, quibus, prout est illorum ingenij captus, explorent eorundem & scientiam, & ecclesiasticarum rerum notitiam, atque usum.*

Cautio autem sit, ut si, dum quis interrogatur, ita rudem, atque ignarum se ostenderit, qui rerum faciliū, minimarumq; nullam scientiam, usumq; teneat, ne aliarum rerum difficilium interrogationibus tempus cōteratur.

Rursus cum quempiam, quanta doctrina, & usu literatæ peritus sit, exploratum erit, non est, cur pluribus interrogationibus secum diutius agatur.

*Nunc igitur vniuerse infra præscribemus, quæ ad rationem pertinent vniuscuiusque examinis eorum, qui vel ordinis Sacramenta initiantur, vel parochialium ecclesiarum curam, vel aliter beneficii munus suscipiunt, vel sacræ confessionis audierdæ officium sumunt, vel ad Dei prædicationem mittuntur. At uerò spectatim longè plura, atque adeò pauciora, prudentium examinatorum, ac præsertim Episcopi, eiusue, qui examini præest, indicio relinquuntur, & pro eorum captu, qui ad examen accedunt, & pro ordine, quo quis initiandus est, & pro ratione locorum, qui mittuntur
& pro*

Et pro genere doctrinæ quæ profitentur.

Qui verò earum rerum, quæ certis interrogationibus demonstratæ in hac instructione continentur, se minus eruditos esse ostenderint; eos Episcopus admoneant, ut diligenter in posterum in doctrinis incumbant, atque harum ipsarum rerum in primis peritiam, et scientiam percipere studeant; ita, ut cum visitationis munus, aliæ eorum studijs et progressus in literis recognitio adhibebitur rectè, perit. q; omni eo doctrinæ genere instructi comperiantur.

Ac primò quidem eum, de quo examen faciendum est, legere examinatores iubeant, quoad experiundo videant, an ille rectè, explicet; legat.

Post, si ordinis, aut beneficij, aut recognoscendæ clerici cuiusquam in literarum studio progressionis causa experimentum fit, grammaticorum more, verborum constructionem proponant: quo in genere, si quid is errat, labiturue, ita ut ne pro grammaticæ quidem ratione, illorum usum, peritiæ teneat, ne propterea eum interturbent, interpellentue, aut impedian, quominus ad propositum grammaticæ instructionis modum redire possit.

Tum verborum, quæ legerit, construxeritue, sensum ab eo querant: quem ut rectè eliciat, atque exprimat, quod ei legendum proponunt, eiusmodi sit, quo tota sententia, sensusq; perfectus concludatur, nihilq; in se habeat, quod sub historis intelligentiam cadat, aut ex antecedenti, consequentive alio capite explicatio existat: deinde ad illa graviora eui doctrinæ, disciplinæ experimenta examinatur et progrediantur.

Qui primam consuram, aut minores, maioresue ordines

dines suscepturi, ad experimentū, examenue accedent,
 ab unoquoque eorum uniuerse, ac sigillatim queratur
 præterea, an impedimentis, quæ Concilij provincialis
 quarti decreto de initiandis, commemorata sunt, irretiti
 teneantur, ut potè an scilicet sint.

Minores natu:

Rudes, & ignari,

Criminosi.

Solemniter poenitentes.

Neophyti.

Ebrietati, & gulæ dediti.

Impudici.

Lapsi post ordinem susceptum;

Periuri.

Vsurari manifesti.

In famas.

Ratiocinijs obligati.

Serui.

Corpore vitiiati.

Insigniter deformet.

Illegitimè nati.

Peregrini, & ignoti.

Bigami.

Irregulares quouis alio modo.

Quo in genere cautio sit, ut præter alia, speciatim per-
 quiratur ab eo.

An stipendium belli fecerit, unde cades hominum ex-
 merit.

An iudicis criminalis in foro laicali officium gesserit.

An sententiam capitis tulerit.

An criminis, cuius nomine capitis quis damnatus sit;
 acta.

acta, sententiam, testificationesq; dictavit, aut conscripserit.

An in eo procuratoris, advocatiq; fiscalis munus administrarit, aliaq; exercuerit, unde irregularitatis maculam contraxerit.

An susperfi.

An interdicti.

An excommunicati.

An amentes.

An morbo caduco laborantes.

An energumeni.

An verò non examinati, & probati.

Exploretur item, an furtim, per saltumue ordinem suscepserit.

Inuestigetur præterea, cum quis ordinem aliquem suscepturus, ad examen venit, quandiu est, quo alium ordinem suscepit, ut nemini ad altiore gradum pateat ascensus, nisi in singulis alijs inferioris ordinis gradibus congruo temporis spatio perfluerit ad præscrip. ù Trilentine sanctionis.

An vim, & naturam, mysteriaq; ordinis, quem suscepturus est, norit.

An item ritus, & cærimonias, quæ ex libro pontificali adhibentur, cum initiantur.

An eorum item significationes sanctiores.

An sacrarum vestium, quibus induuntur, mysteria item, & significata.

An functionum notitiam habeat ordinis, quo quisque initiandus est.

An earum usum, exercitationemq; rectè teneat, cum in litteris, tum etiam in cantu: in quo experimento adh. beantur

adhibeantur cantus periti .

Hæc generatim ab omnibus , & singulis explorentur . Nunc præterea sequuntur , quæ sigillatim cuiusque ordinis propria , suo loco præscripta , perquirenda sunt ; ita tamen , ut examinatores pro prudentiæ suæ ratione , quæ in ordinis inferioris examine exploratione requirantur , aliquando etiam perquirant ab ijs , qui superiori ordine initiuntur .

De ijs , qui prima tonsura initiandi sunt queratur , & negligetur .

Primum , quam ob causam se clericos fieri velint .

An secularis iudicii vitandi causa initiari curent ,

An contentiosis litibus implicati .

An rixam , simulatamq; exerceant .

Quod item officium teneant ; quæ in arte , quove in vitiæ genere hætenus versati sint .

An tales sint , qui spiritus præbeant , ecclesiæ ministros viles se fore .

An quo sacerdote , sanctioris vite magistro , instituti sint ad clericalis vite modum .

An legere , & promittere , & scribere , oriturum in utroque genere de ijs periculum fiat .

An doctrinæ christianæ præcepta , illustrataq; sciant .

An Epistolæ intelligentiam habeant .

Præterea an Sacramentum confirmationis suscep-
erint .

De ijs vero , qui in minoribus ordinibus ascribi volunt , queratur , experiundoq; cognoscatur .

An saltem præcordia grammaticæ , & linguam latinam intelligant .

An scientiæ species tales eos ostendant , qui digni sint , ut
ad maiores

ad maiores ordines aliquando ascendant.

Qui verò sacris ordinibus, vi potè subdiaconatu, diaconatu, sacerdotio iniitiandi sunt, cum ornati, excellentiq; ijs virtutibus esse debeant, quæ in clericis inferiorum ordinum requiruntur, sicut ad altiore ordinis gradum ascendant: ita virtutum, & probitatis, & doctrinæ quodam quasi ascensu præstare debent.

Quamobrem hoc in primis examinatores videant, qui ordinis sacramento iniitiantur, per singulos illius gradus, & in viæ spiritualis disciplina maiorem progressionem fecerint.

An breuiarium, anq; sacra Biblia, an item sanctorum patrum volumina, Concilium Tridentinum, & provincialia quoque, Synodos Episcopi dioecesani, catechismus Romanus, rationale diuinorum officiorum, & libros aliquos, de viæ spiritualis rationibus conscriptos, sui muneris sui accommodatos habeant.

A subdiaconis potissimum de ordinum minorum quaratur, & maiorum differentia.

An in minoribus ordinibus probatus sit.

De voto item continentia, quod subdiaconatus ordinis coniunctum est.

De Sacramentorum etiam doctrina, saltem generationum eorundem periculum, experimentumque huius officij dimini recitandi ratione.

Diaconorum examen experimentumque fiat, præsertim aliquanto diligentius de sacramentorum doctrina.

Experimentum item aliquod fiat in concionibus habentibus, ex ratione, concionatorum examini infra præscripta.

Ab ijs, qui sacerdotio initiari volunt, hæc sigilla

studio perquirantur.

pie, & fideliter in ministerijs ante actis se gesse-

in spectata pietate, atq; castis moribus.

in præclarum honorum operum exemplum, & vitæ
cumenta ab eo expectari possint.

Hæc præterea quærantur.

Quid sit Missæ sacrificium.

Quid illius sacrificij effectus.

Quæ eiusdem partes.

Quæ mysteria in eo insint.

Quæ sacramentorum vestium significationes.

Quæ in eo officio offerendo requirantur.

ubi, & quando illud fieri non licet.

Quæ dubia aliquando incidere possunt.

Quæ explicatione opus habeant, ut illud rectè fiat.

Tum experimentum eorum ex præscriptis infra re-
gulis fiat.

An sacra confessionis aliquam perniciem habeant.

An ad alia item Sacramenta rectè, riteq; ministran-
da idonei sint.

An eorum cognitionem explicatiorem habeant, ex in-
terrogationum præscripto, ut infra de parcho.

An doctrinam item teneant, quæ verbum Dei rectè tra-
dant, cautionemque habere possint.

Atq; de re sacra, de christianarum virtutum officiis,
aliisque de omni re, ad salutem necessaria, aptè populum
instruere, ac docere possint.

Cum verò à cæteris omnibus ut præscriptum pauld
ante est, qui clericali militiæ adscribuntur, de vitæ spi-
ritualis, sanctiorumque institutis, à quæ exercitationibus
perquirantur

perquiratur, tum maximè ab ijs, qui vel sacerdotio initiantur, vel parochialem curam suscipiunt, vel sacre confessionis audiendæ munus sumunt, vel in translatione verbi Dei, sacrisq; concionibus versari vult. A quibus omnibus, & singulis, cum ad examen veniunt, præter cætera, quæ ad sanctæ spiritualis vitæ vñ pertinent, ea maximè explorentur, quæ de orandi modo, deq; omni sanctarum meditationum, celestiumue cõtemplationum exercitatione ab alijs, qui in eo genere religiose se se exercuerunt, tradita sunt.

De ijs verò sacerdotibus, qui ecclesiarum parochialiù curationem suscepturi sunt, queratur præterea, experiundoq; cognoscatur in primis.

An apii ad sensus percipiendos, non solùm qui ad grãmaticæ intelligentiam sumuntur, verùm etiam interiores illos, sanctioresq; tant. et Christi, ecclesiæq; mystèria, & ad spiritualis vitæ n. adum pertinentes.

An sermones contexere, h. d.ereue sciant.

An si quos habuerint, unde sumpserint, aut quam illis cõtendendis, conscribendisue rationem adhibuerint; & verò si quos apud se conscriptos tunc habeant, eos ostendant, atque tradant.

An in eo genere aliquid ex tempore possint; tunc ex temporaneo, breuiq; sermone periculum n. fiat, quantum concionando valeant. Atque si translationis quidem verbi Dei vsu peritiorem, parochura ecclesiæ parochialis, quæ committenda est, ratio de poscit; examen aliquod ex parte, quæ potior examinatorum iudicio videbitur, ineatur ad interrogationum normam, concionatorum examini infra constitutam.

Queratur præterea, an alias umquam animarum curam

uram gesserint; quod si affirmant; tum interrogentur
tiam, & ubi gesserint; & cur inde discesserint.

An intelligent, quanti illud sit, animarum curam sus-
cipere, rursusque gerere, quaque partes, ac virtutes illæ
sint, quibus bonum, vigilantem animarum curatorem
prædium esse oporteat.

An item norint impedimenta omnia, quorum causa
interdictum est, ne quis sacramenta ministret, & ne-
quis suscipiat.

An Sacramentorum, præsertim verò quorum ille mi-
nister est, vim, & naturam intelligent: atque hac
sigillatim in primis interrogentur.

Quæ uniuscuiusque sacramentorum materia, quæ for-
ma item.

Quæ eorum efficiens causa, & principalis.

Quæ causa efficiens instrumentalis.

Quæ causa finalis.

Quæ eorum differentia.

Qui effectus, quique fructus.

Qui eorum ritus, quæque caerimonia:

An maxime omnium peritiam teneant audiendæ sacræ
confessionis.

Quos huius generis libros, atque adeò summas habe-
ant:

Tum periculum fiat, quàm valde casuum conscientie
usu periti sint, quamque tum in illis, tum in alijs id gene-
ri peritè versati, præsertimque in ecclesiasticis consti-
tutionibus, quæ ad rectum vitæ usum, populi-
que christiani mores, & virtutes pertinent.

An nouerint casus, Sanctissimo Papæ, & Episcopo
item à iure, & ab homine reseruatos.

F

Atque

Atque adeo diligentius, prout opus erit, de singulis interrogentur, quæ infra præscribentur rationi examinandis confessorios sacerdotes.

Videant præterea examinatores, an aliquam sacrorum canonum notitiam habeant, & præcipue quod ad Tridentinum, & provincialia concilia, synodosq; diocesanas attinet, an illi hæc norint, quæ sequuntur.

An scilicet doctrinam de precibus christianæ religionis articulis; quos œcumenica illa Synodus Tridentina contra hereticos definiuit.

An item, quæ de residentia prescripsit.

An quæ etiam de parochis, parochialibusq; ecclesiis, & de diuinorum officiorum cultu, cæterisq; eiusdem generis statuit.

An quæ præterea de clericorum honestate sanciuir.

An cætera denique, quæ vel ad cleri, vel ad populi disciplinam, vel ad aliarum rerum reformationem constituit, quæ parochi scire, beneq; nosse intersit.

Ex provincialibus concilijs sigillatim quærant.

Quæ de clericali vitæ honestate, & de parochorum officijs constituta sunt.

Quæ item de Sacramentorum recta administratione, quæ de missæ sacrificio, quæ præterea de diuinis officijs.

Quæ etiam de Sacramentalibus, & quæ de festorum dierum veneratione, quæ de ecclesiarum cultu, quæ de scholis doctrinæ christianæ, quæ de populi christiana institutione, morumq; disciplina, deq; alijs ad parochialis vitæ munus potissimum pertinentibus, sancita sunt.

Ex synodis diocesanis, eam ipsam, certis capitibus distin-

distinetam, examinandi rationem ineant, prout genus decretorum est, quæ in illis Episcopus confecit.

*Qui causa beneficii, cuiusvis generis, quod tamen curatum non sit, ad examen accedit, de eo hæc inue-
stigentur.*

*An canonicarum horarum officium ex breuiarii insti-
tuto, rubricisq; rectè recitare sciat.*

*An doctrina, disciplinaq; omni instructus, quam or-
do de poscit, quo initiari debet, pro beneficii, officij, digni-
tatisue ratione, cuius causa examen instituitur.*

*An peritiam item teneant functionum, quas illius bene-
ficii, dignitatis, munerisue ratio postulat.*

*An teneat, quæ scitu necessaria sunt ad functiones il-
las vel ordinis, vel beneficii rectè, ritèq; præstandas,
etiam quæ ad rectè canendi modum, rationemue perti-
neant.*

*Atque hæc quidem sunt, quæ ad examinis instructio-
nem pertinent, eorum, qui aut ordinis Sacramento ini-
tiandi sunt, aut ecclesiis parochialibus præficiendi, qui-
busue beneficia conferenda. Nunc verò sequitur exa-
minis ratio confessariorum, de quibus præter cætera,
quæ cum sacerdotis, & parochi officio, munereue con-
iuncta ipsis sunt, hæc etiam sigillatim, atque exploratio
ri ratione perquirantur.*

De Sacramenti pœnitentiæ necessitate.

*Quare institutum sit hoc Sacramentum, & à quo in-
stitutum.*

Quæ huius Sacramenti materia.

Quæ forma.

Qui illius effectus.

Qui Minister.

Quæ conditiones in eo requirantur.

Quæ regulæ ad dignoscendum, & distinguendum peccatum mortale, à veniali.

Quæ pœnitentiæ partes.

Quæ earum partium ratio.

Quid contritio.

Quæ ad veram contritionem sint necessaria.

Qui contritionis fructus, & vtilitas.

Qua quisquam ratione se ad contritionem exercere possit.

Quæ signa sint vera contritionis.

Perquiratur item, quæ confessionis, quæ secunda pars pœnitentiæ est, natura sit, atque substantia.

*An diligenter inquirere sciat, & peccatoris circumstā-
tias, & peccati item.*

*Quæ mutent speciem peccati, & quæ in confessione ex-
plicanda sint.*

*Quæ restitutionem exposculent, quæ radices, causæve
restitutionis.*

*An dubios, suspectosve contractus norint, aut saltem
de ijs dubitationes, & quæstiones instituere, inirene
sciant.*

Quibus criminibus annexæ sint censuræ.

An item illarum peritiam, & vim teneant.

*An casus, in quibus irregularitatis macula contra-
bitur.*

*An saltem in ijs omnibus, & alijs, quæ ad verum, per-
fectumve huius sacramenti pœnitentiæ ministrum per-
tinent, sciant dubitare, & nouerint consulere pe-
ritos, quomodo agendum sit id, de quo in dubitatio-
nem adducunt.*

Qui

Qui item ritus, & sacra cerimonia confessionis.

Quæ conditiones ad confessionem verè pœnitentis necessariæ.

Qui ordo confitendi, quando quis statim confiteri debeat; quando item confessionem iterare.

De satisfactione, quæ tertia pars pœnitentiæ est, queratur.

Quæ satisfactionis partes.

Quis satisfactionis finis.

Qui fructus, quæque vtilitates satisfactionis.

Quæ in satisfactione requirantur.

Qualis, & quanta pœnitentia pœnitenti imponi debeat.

An salutaris, & conuenientes satisfactiones pro gravitate criminum, & pœnitentium facultate iniungere sciant.

An item ex Innocentijs Tertij præscripto, more perii medici sciant infundere vinum, & oleum vulneribus sauciati, ac quale debeant prebere remedium, aut consilium.

An præterea canones pœnitentiales rectè teneant.

Quæ differentia sit satisfactionum, pœnitentiarum &c.

De absolutione indagetur.

Quæ verborum formula requiratur.

Quæ preces, orationesque præterea adhibeantur.

Quis ordo seruandus in absoluendo, tam à peccatis, quam ab excommunicatione, suspensione &c.

De sigillo item confessionis plura querantur, ac præserim quæ vis, & quanta sigilli.

Quæ sub illud cadunt.

Ex sanctionibus ecclesiasticis, Tridentino Concilio,

synodis, tum provincialibus, tum etiam diœcesanis indagetur, quæ in illis constituta ad pœnitiæ Sacramentum pertinent, quæq; de cleri, & populi disciplina, & moribus constituta sunt, ut paulò ante in parochorum examine demonstratum est. Sed hætenus de ratione interrogationum, quæ examinandis confessorijs sacerdotibus adhibentur.

Iam est locus examinis concionatorum, & sacræ scripturæ interpretum, à quibus hæc quarantur.

Primò de doctrinæ articulis, dogmatibusue, Concilio Tridentino explicatis, ut potè de canone scripturæ, de peccato originali, de iustificatione, de sacramentis, & generatim de sacrificio Missæ, de purgatorio, de inuocatione, & veneratione sanctorum, de sacris reliquijs, de imaginibus sanctorum, de indulgentijs, potestate, & auctoritate Papæ, de ieiunijs, de diebus festis, & reliquis multis.

An præterea habeat reliquos theologiæ notos, & tractatos locos.

Quem in scholasticis præsertim auctorem familiarem habeat.

An sæpius sacrorum biblicorum volumina cum glossa, alioquè commentario studiosè euoluerit; anq; in ijs ipsis ita diligenter versatus, ut inde locos faciliè, apteq; promere possit ad omne sacræ tractationis genus.

An sanctarum interpretationum usu literate peritus.

An ex antecedentibus, & consequentibus verum scripturæ sensum elicere norit; anq; item ex euangelistis, in eodem narrationis genere versantibus.

An rursus temerè, pro suoq; libito sacramentiscripturam à verò sensu detorqueat.

An tro-

in tropologicos, morale: ue sensus, cum literalis sensu
coherentes, commentetur.

in explicandis parabolis rectum, precipuumq; re-
m sensum spectet, præmissis explicationibus, quæ
hil ad propositum faciunt.

in traditionum Apostolicarum, ecclesiasticarumq;
initiam teneat.

in in sancto:um patrum scriptis, atque sermonibus
ritè versatus sit.

quem item è patribus maximè in concionando sequa-
tur, atque imitetur.

in sacrorum temporum mysteria norit, atque sacro-
rum rituum significationes habeat.

in rerum, in ecclesia sancta gestarum, & conciliorũ
presertim vniuersalium cognitionem teneat.

in sanctorum vitas, historiamq; veram norit.

in congruam canonum scientiam teneat.

in summorum pontificum iura, atque instituta sciat.

in Conciliorum, prouincialium presertim, & dice-
sanorum decreta in promptu habeat, ut in parocho-
rum examine prescriptum est.

in casuum conscientie doctrina instructus sit.

in Theologie illius mysticæ, quæ tota in spiritualibus
re constitutis tradendis, quæq; in purgandis affecti-
bus, in reformationeq; interiori versatur, præceptis at
exercitationibus benè norit.

denique sanctarum meditationum, orationisq; men-
tis vsum habeat.

in morum doctrinæ, christianæq; disciplinæ locos, nõ
in ordine collectos, sed rectè notos habeat.

in locos teneat, quibus auditorum animi excitan-

tur, vel ad Dei amorem, vel ad cælestis patriæ desiderium, vel ad virtutum studium, vel ad detestationem scelerum, vel ad misericordiam, vel ad certas præterea affectiones, quæ, ad cælum excitatæ, christianas virtutes pariunt.

An apti denique sint, atque idonei ad concionem concipiendam, & explicandam, non solum theologiæ locorum tractatione, sed similitudinibus, quæ ab agricultura, vinca, semente, alijsq; rebus ducuntur, quæ subsensum cadunt, atque intelligētiam, præsertim eorum, etiam rudium, ad quos concio habetur.

An ad concionis ingressum, recta ratione utatur, & ab ijs vitijs refugiat, quæ plerique eo in genere admittunt.

An totam concionem rectè, ordineq; disponat.

An dilucidè, distincteq; enarret.

An benè pronunciet.

An illius verba pondus habeant, anq; vim item, ut non solum audientium aures attingant, sed animos intimè penetrent.

An in tota concione, pro cuiusque rei, de qua agit, ratione, rectè, aptè, decore, & congruenter agat.

Quo in genere omni, & perquirendo, atque explorando, tum in alijs diligentius indagandis, examinatores, prout occasio tulerit, quàm diligentissimè instructiones adhibebunt, quæ de concionatoribus ad provincie universæ usum ex Concilij provincialis auctoritate, iussu nostro editæ sunt.

Cum non certæ curæ, alteriusve beneficii, vel officij, munerisve, sed doctrinæ tantum, aut in litterarum studijs progressionis recognoscendæ causa examen alicuius
instituitur,

stituitur, diligenti etiam illa, præcipuaq; disquisitionibus, & interrogationibus, supra variè descriptis, pro cuiusque conditione indagetur illius doctrina, & ministerijs ecclesiasticis peritia, atque usus.

eorum vero classes quattuor saltem, vel etiam plures institui poterunt, quibus pro peritiæ ratione, experientia illorum facta, adscribantur.

Primæ classi adscribantur, qui & perfecte concionantur peritia, & conscientie casuum explicationibus se tales ostendant, qui alijs multis prodesse, atque præesse possint, proindeq; idonei sint, non modò ad parochi, sed etiam ad Præpositi, Vicarij foranei, vel Visitatoris munus, vel ad pœnitentiariæ etiam, aut doctoralis, aut Theologalis præbendæ obeundæ officium, dignitatemque, etiam in ecclesiâ cathedrali assequendam, atque ad alia id generis.

Secundæ classi erunt ascribendi, qui si minus, ut illi concionari perfecte, at mediocriter, tum etiam de fugeo possint; quiq; in casuum conscientie summis studiose versati sint; & verò catechismi etiam Romani doctrinam diligenter teneant.

Tertiæ erunt classis, qui intelligentiæ tantum assequuntur, ut si minus accurate, doctaq; concione, at sermonem de altari saltem habere, ac Euangelium, prout usu venerit, enarrare, & explicare possunt, & administrationis Sacramentorum, & casuum conscientie usu periti sint, ut qui frequentius incidere solent, eos aliquo studio adhibito enodare, atque explicare aptè queant.

Quartæ classis, qui si non magno litterarum studio, aliquo tamen usu apti sunt ad aliquam Evangelij præ-

uem explicationem, notitiam quādam habent rerum ad docendum populum, quæ salutis necessariorum sunt; & ad Sacramentorum administrationem, casuumq; conscientie explicationem pertinent: ita ut ijs ob sacerdotum paucitatem, necessariamq; causam, aliquando curatio aliqua spiritalis pro loci ratione præsertim ad tempus committi possit.

In inferiori classe reliqui ascribantur, quorum nulla ratio omnino haberi debeat in curatione animarum committenda, sacramentiq; ministrandi facultate, neque in sermonibus ad populum habendis.

In omni hac examinandi ratione Cancellarius pro sui officij munere hæc præstet.

Certum librum habeat provisionum ecclesiarum parochialium, aliorumq; beneficiorum, quæ examine adhibito, etiam ex litteris Apostolicis, conferenda sunt. Quo in libro rectè, atque ordine ab eo notentur hæc.

Esti examinis, quæ in singulos dies, prout examinandi occasio tulerit, sunt.

Dies vacationis certi beneficii, & modus item vacationis, aliaq; id generis.

Dies etiam promulgationis, aut prorogationis edicti, quod de concussu proponi solet; cum beneficii vacationis ratio id postulet, & reliqua etiam, quæ ad promulgationem pertinent.

Nomina quoque examinatorum, quos Episcopus certi illius beneficii vacantis nomine ad examen conficiendum nominatum delegerit.

Nomina etiam eorum, qui eo nomine examinandi proponuntur.

Dies præterea, quo quisque examen subijt.

Nomine

*mina etiam examinatorum, qui interfuerint.
probatio, aut reiectio, quam eorum iudicio singu-
lerint.*

*men item, & cognomen eius, quem Episcopus tam
magis aptiorem, magisque idoneum delegerit, cui bene-
dictio ab eo conferatur, ad quem spectat.*

*In libro alia præterea ascribat, quæ Episcopus cen-
serit.*

*Librum alterum conficiat, in quo omnes, & singulos,
eos vel concionandi, vel confessionis audiendæ, vel
sacrae lectionis interpretandæ causa Episcopus adhibi-
to examine vel probat, vel improbat.*

*In hoc ipso libro notet etiam, & nomina examinato-
rum, & diem, quo examen confecerint, & causas item
repulsæ, si quam aliquis tulerit.*

*Id ipsum de certo die, examine, probatione, aut reie-
ctione eorum seruet, quorum experimentum sacrae ordi-
nationis causa fit.*

*Tertium librum habeat, in quem examina referat,
quæ generatim instituuntur, atque adeo conficiuntur ad
cleri progressionem in litterarum studiis inuestigandam, atque
explorandam.*

Sup. ex Conc. Med.

*In ordinibus conferendis Episcopus, ac eius familia-
res ab omni munere, accipiendo prorsus abstineant.*

*Ordinandus ab alieno Episcopo non aliter admitta-
tur, nisi in dimissorijs, ac testimonialibus litteris com-
probata afferat.*

Vita in primis, & morum probitatem.

*Doctrinam, in qua idoneus, examine habito, iudi-
catus sit.*

Natales, aut dispensationem in illis obtentam.

Ordinem

Ordinem ecclesiasticum, quo est proximè initiatus, versatusq; .

Is vero, qui sacris erit initiandus ætatem, item & titulum patrimonij, quod ille habet, aut sufficientem beneficij censum, vel pensionis, vel si regularis sit emissæ professionis scriptum testimonium .

Neq; in posterum sacris, quis adscribatur ordinibus sub seminarij, beneficijue titulo, vel pensionis præbendæ, aut alterius census, quem ei pro victu satis esse, ex Episcopi iudicio non constiterit .

Ordinandi certæ ecclesiæ seruitio adscribantur; nec alij ordines conferantur, nisi ipsi Episcopo fidem illi attulerint, se in prædicta ecclesia functiones debitas exercuisse .

Si vero Clericus ante legitimam ætatem, vel extra statuta tempora absq; dispensatione canonica ad sacros ordines se promoueri fecerit, aut sine sui ordinarij, dimissorijs, à susceptorum ordinum executione, ipso iure, suspensum esse sciat, iuxta Pij secundi, & successorum summorum Pontificum sanctiones; quod si suspensione durante, in suscepto sic ordine ministrare tentauerit, sit irregularis, ac beneficijs priuandus .

Omnia, & singula, quæ circa huiusmodi ordines suscipiendos minores, maioresuè, ac etiam primam tonsuram, à sacra Tridentina Sinodo decreta sunt, inuiolate seruentur .

Quarta feria statutæ ordinationi proximè precedente, denuo singulorum promouendorum habilitas diligentius examinanda, ipsorum (regularibus exceptis) nomen cognomen, parentes, patria, ecclesiæq; parochialis, intra cuius fines, quisq; ortus fuerit, vel habitauerit,

bitaueris, rectè iussu Episcopi annotanda erit,

Qui maiores, vel sacros suscepturi sunt ordines, prius à parochia eorum nomina publicè die festo inter missarum solemnità in propria ordinandorum parochia ecclesia proponantur, saltem per mensem ante statutam ordinationis diem; & Episcopus alienum non ordinet, nisi in dimissorijs litteris appareat, de legitime huiusmodi facta publicatione.

Qui prima iniitiadus est tonsura, præter illa quæ supra annotata sunt, hæc etiam in litteris afferre debeat, videlicet, sacro confirmatum chrismate, frequentasse ecclesias, sacrasq; confessiones, & communionem (si per ætatem sint ad communionem idonei) christianæ doctrinæ, ac legendi, & scribendi peritiā, Deo inservienti, non animo fraudandi forum seculare, clericalem ordinem desiderare.

Qui minoribus resigniri postulat, docebit præterea, primam suscepisse tonsuram, in suscepis ordinibus ecclesiæ, cui adscriptus est obsequium per menses sex præstitisse.

Subdiaconatus ordinem suscepturus hæc ultra prædictis demonstrabit, videlicet, quod denuntiationes, ut supra sancitum est, publicè factæ sint, & quod ætatem iuxta sacrum Concilium legitimam habeat, ac titulum de iure requisitum ut supra. Præterea diligentius novæ vitæ quam agreditur rationem, quantiq; sit momenti perpendat, quo possit, dum res est integra, secum deliberare, an castitatem, quæ perpetua illi ordini est annexa, servare ex animo intendat, atq; proponat; & quid (Deo auxiliante) se præstare posse, speret, non alienæ agnatorumq; voluntatis, terrena-

rumq;

rumq; vilitatum contemplatione, spiritualia munera affectet; sed tantum Dei honorem, sibi propositum habeat.

Ideoq; , priusquã eo initietur ordine, anteaclã vitã peccata diligenti conscientia discussione integrẽ, & generaliter consueatur, peculiariq; quadam deuotione ieiunijs, & eleemosynis faciendis, orationibus, ac spiritualibus meditationibus incumbat.

Diaconus, aut sacerdos prouincie huius surrentinæ ordinandus, præter supradicta, Episcopum fidem faciat; suos antea susceptos se exercuisse ordines; præcipue proximẽ præcedentem, & quod frequens diuinis officijs ecclesiæ maioris, aut parochialis interfuerit, sciat epistolam canere, & euangelium; & ad salutem necessaria (iuxta Romani Catechismi institutionem) populo actus sit explicare.

Missale habeat, & vestes sacerdotales proprias, excepto forensi, qui cum dimissorijs ordinarij sui litteris ordinandus presentatur.

Ordinandi omnes, maxime in sacris constituti, libros habeant saltem necessarios; virumq; testamentum, Catechismum Romanum, Concilium Tridentinum, & has nostras constitutiones, præter spirituales alias, præsertim. fratris Ludouici Granatensis, quos decet vnumquemq; fidelem præ manibus habere, & frequenter percurrere.

Ordinandi ad sacros ordines examinentur presente Episcopo, vel eius Vicario, ac pluribus examinato-ribus.

Dimissoriæ litteræ ad ordines, post sex menses oriundis ex Italia non suffragentur; nec exteris post an-

num,

, nisi aliqua iusta causa, arbitrio ordinarij, aliud
deat.

Nemo deinceps ad quemvis ordinem, vel primam
suxam suscipiendam admittatur, nisi experimento
ceat, in primis se memoria tenere contenta in vul-
vi consueto doctrinae christianae libello; nec ad sa-
os ordines, nisi de contentis in Catechismo Roma-
certam rationem reddere, & super singulis capi-
bus generalioribus eiusdem nouerit respondere.

De Sacramento Matrimonij.

PRIMUM omnium curent Episcopi, ac paro-
chi, ut ea omnia circa Matrimonij celebratione ser-
uentur, quae à sacra Tridentina Synodo sancita fu-
ere.

Parochi vero decreta ipsa de matrimonio interdum
vulgari lingua populo explicent; illud praeserim Ma-
trimonium non aliter valere, nisi in facie ecclesiae ritè
contrahetur.

Ac librum conficiant, in quo dies contracti Matri-
monij, cōtrahentiumq; ac testium nomina describātur.

Denunciationes, quae matrimonium praecedere de-
bent, diebus festis inter missarum solennia frequentiori
populo fiant, competenti dierum intervallo; sic, ut
etiam ab vltima denuntiatione ad matrimonij vsq; ce-
lebrationem, dies aliquot intercedant.

Monebit parochus contrahere volentes, nè gratia
tanti Sacramenti se indignos reddant, peccati obicem
interponendo.

Idcirco;

Ideoq; tempore , quo denuntiationes facit publicè illos hortetur , & inducat , vt peccata confessi sanctissimam eucharistiam ante matrimonij consummationē sumant , & parochi benedictionem .

Post consummationē benedictio non celebretur , nisi de licentia Episcopi .

Caueant præterea ipsi parochi , nè mulieris secundas benedicant nuptias , & si commode fieri poterit , eodem die , quo matrimonium contrahitur benedictio fiat.

Nec facile admittantur ad contrahendum , prima fidei Christianæ rudimenta , præsertim orationem Dominicam , salutationem angelicam , & symbolum fidei ignorantes , sed præmoneantur sedulo vt illa curent omnino addiscere , quæ cura ad ipsos parochos præcipue pertinebit .

Parochus sponsum sponfamq; diuersis in parochijs habitantes matrimonio non coniungat , priusquam aliter , etiam parochiæ præfati testimonium in scriptis habeat , denuntiationes in ea factas fuisse , nullumq; legitimum extare , siue apparere impedimentum .

Illud verò testimonium ordinarij subscriptione , sigilloq; munitum sit .

Sic etiam exteri non admittantur ad matrimonium contrahendum , nisi solutos esse , ordinarij ipsorum fide constiterit , & quòd à catholica cōmunionē alieni non sint , nec tamen absq; expressa Ordinarij licentia .

De ieiunio .

SACRVM ex præcepto Domini , ac sanctæ Matris Ecclesiæ institutum ieiunium , præsertim quadragesimæ ,

dragesimæ , quattuor anni temporum , nec non aliarum vigiliarum , inuiolabiliter obseruetur ; ita , ut nemo eo tempore , nisi valetudinis causa de medici consilio , ac ordinarij licentia illud infringere audeat .

Nemo ieiunij diebus publicè , vel occultè carnes , vel alia , quæ ex carne proueniunt vendere præsumat , nisi de licentia , ut supra .

Et ut verè ieiunium , iuxta diuinam , ecclesiasticamq; institutionem , ubiq; seruetur , omnes intelligant , illis diebus teneri , ante omnia à vitijs , & à peccatis ieiunare , ac virtutibus , plijsq; operibus diligentius incumbere , fiatq; refectio pauperibus abstinentia ieiunantis .

Clerici , ecclesiasticiq; omnes in aduentu Domini saltem à carnibus , & his , quæ à carne procedunt , abstinere in hebdomada bis , vel omnino , sexta feria ieiunare dignos ordinis sui , & pœnitentiæ fructus facere ; diebus autem rogationum , à cunctis fidelibus ieiunium seruandum , maxime suademus .

De eleemosynarum distributionibus .

CVM ex dispositione sacri Tridentini Concilij Episcopi piarum voluntatum executores constituantur , ad tollendas , committi solitas , fraudes in relictarum eleemosynarum dispensatione , volumus , atq; mandamus , quòd distributio panis
 G in ecclesijs ,

in ecclesiis, & capellis surrentinae prouintiae, aliquando facienda, non ante incipiat quam, post Missarum solemnias, consuetumque christianae doctrinae exercitium, ita, ut unum alteri non sit impedimento, & non nisi praesente deputando, & ab eo prius quantitate panis distribuenda diligenter recognita.

Finito itaque christianae doctrinae exercitio, pauperes omnes, sub propriae parochiae consueto paruae crucis vexillo processionaliter accedant, quibus, (non autem diuitibus) panis ordinate, & aequali portione erogetur.

Si quid supererit, de licentia Episcopi personis miserabilibus, vel ecclesiae, pro illius necessarijs ornamentis comparandis, restructur.

In reddenda ratione, nihil ipsis administratoribus acceptum feratur, quod manu deputandi ab Episcopo, & parochi firmatum, atque approbatum non fuerit.

Si plures eodem die panis dispensationes fieri contingerit, in subsequentes proximos festos dies iudicio Episcopi ille diuidantur.

Panis, in eleemosynam distribuendus, prius recognoscatur à parcho; & ab eodem in sacristia, vel alio tuto loco, usque ad horam dispensationis faciendae, fideliter custodiat.

Vel pretium panis expendatur in aliud opus pium, cum non possit satis occurrere fraudibus, & scandalis, quae in distributione fieri atque imminere compertum est, praesertim, ubi quantitas excedit scutos sex, vel decem, citra tamen praerudicium miserabilium personarum, & seminarij Episcopi arbitrio, & de patronorum assensu.

De funeribus, & exequijs defunctorum.

AU D I T A morte comprouincialis Episcopi, in omnibus cathedralibus prouinciæ ecclesiis, prima die, non impedita, officium fiat solemne, cum missa pro mortuo Episcopo: ad quod clerus vniuersus vacantis ecclesiæ, & illius diocesis conuocetur, & si cōmodè fieri possit assistat etiam vnus saltem ex Episcopis comprouincialibus: & , vt pariter in alijs ecclesiis, & regularium monasterijs illius ciuitatis, ac diocesis solemne officium pro defuncto Episcopo cum missa, canatur, procuret.

Sequenti verò, vel alio commodiori proximo die, missa de Spiritu Sancto in omnibus prouinciæ ecclesiis, & à sacerdotibus, legitimè non impeditis celebrari, precesq; fieri, etiam in regularium tam virorum, quàm mulierum monasterijs ipsius prouinciæ quotidie, vt vacanti ecclesiæ quanto celerius de bono pastore Deus optimus maximus providere dignetur, comprouinciales Episcopi, & clerus ecclesiæ vacantis soliciuè, curabunt.

Clerus vna cum Episcopo, postridie commemorationis omnium defunctorum, pro Episcopis eiusdem ecclesiæ defunctis; sequenti verò die, canonici, & clerus pro canonicis & clericis defunctis diuina persoluant officia.

Defunctorum corpora nullo pretextu mercedis, aut eleemosynarum non solutarum impediuntur, aut sepeliri retardentur.

liri retardentur.

Episcopus tamen alia ratione curabit, ut laudabiles consuetudines seruentur, aut, si videbitur, compellat defuncti heredes, ut dent paracho, vel sacrista pignora, aut idoneam præstent cautionem se, quod iustum fuerit, Episcopi iudicio, quamprimum soluturos, ut absq; scandalo, & lite quod suum est unicuique tribuatur.

Dubia, aut difficultates, in exequiis occurrentes, Episcopus in ciuitate, vel eius Vicarius, & Archipresbyter in dioecesi, seu Vicarius foraneus, citra præiudicium habentium meliora iura, determinent.

Cadauera autem mortuorum ante viginti quattuor horas, ab obitu numerandas, ne sepeliantur, nec ante ortum solis, vel post occasum, neq; dum maioris missæ celebratur officium.

Eccllesiastica ornamenta pro laicorum funeribus commodari quocumq; prætextu prohibemus.

Pallium pro defunctis ex communi laicorum contributione fiat, vel ab ecclesia, pro quo mortuorum heredes arbitrio Episcopi elemosynarum aliquid largiatur.

In efferendis cadaueribus è domibus proprijs, proximiores in primo & secundo gradu tam viri, quam mulieres non stent præsentés, sed semoti in alia parte eiusdem, vel vicinæ domus, ne audiantur eiulatus.

Sacerdotes, & clerici in funeribus defunctorum procedant cruce præeunte cum superpeliceis, psallentes, & orantes, ut decet piè, ac modestè eundo pariter, ac redeundo.

Qui defunctum non associauerint, sed tantum officio,

ficio, quod in ecclesia sit, interfuerint, tertia illius portionis parte priuentur.

Non associantes autem, nec exequijs intereffentes, nihil omnino lucrentur, nisi iusta cognita causa impediantur; sed portio absentium intereffentibus, & interuenientibus accrescat.

Quo verò ad testamenta, fieri consueta, decedentibus ab intestato, seruetur antiqua cuiusq; loci laudabilis, & approbata consuetudo.

De beneficiorum collatione.

IN conferendis dignitatibus, & canonicatibus habetur ratio cum literatorum, tum etiam nobilium; nec alijs conferantur non idoneis, iuxta Concilij Tridentini præscriptum.

Presbyteri, quicumq; perpetuo, vel ultra quàm a iure, vel ab Episcopo illis concessum est, absentes, seruatò iuras ordine, etiam officijs beneficijsq; iuxta sacri Concilij præscriptum, vel beneficiorum fructibus priuentur, ac integri præsentibus, ecclesijsq; inserviientibus, vel vsui sacristiæ, si quid missarum celebrationi, vel alio adiuncto oneri supererit, applicentur.

Possessiones beneficiorum, nisi post confectas bullas, vel litteras, registratasq; ut occurratur beneficiatorum negligentiae consuetæ, non dentur.

Pro redimenda vexatione, nisi in casibus à iure permissis, & sciente Episcopo, transigere, vel pacisci in beneficiis, vel pecuniam dare, nemini conceditur.

Patroni, & quicq; ius eligendi præsentandi, aut cõse-

rendi beneficia obtinentes, caueant, ne quicquam pro
quavis causa eius rei gratia ab aliquo, cui beneficium
tribuatur, sponte etiam datum accipiant, neq; etiam,
in eo dando, aliqua fructuum pars ab illis reseruetur,
quavis pietatis specie, contra sacrorum canonum statu-
ta, ne in pœnas simoniaci criminis dantes simul, & ac-
cipientes incidant.

In quam suspicionem, & labem non solum aucto-
res, sed etiam internuntij, mediatoresq; & notarij,
qui simoniata conficiunt instrumenta, incurrisse se, in-
telligent.

Qui, beneficium vacans ecclesiasticum multis ambi-
tiosis, ac importunis precibus, per se, vel per alios
petierit, ab ordinario, eo ipso se reddit indignum, cui
beneficium conferri debeat; multo magis, si nondum
vacans sit beneficium.

De administratione bonorum & iurium ecclesiasti- corum.

CURRENT Episcopi, ut prorsus restituantur
iura laudemiorum, de rebus ecclesiæ alienatis,
& alienandis.

Beneficia qualiacumq; sint obtinentes, rectores etiã,
sive administratores piorum locorum, intra spacium
sex mensium, à die præsentium decretorum publicatio-
nes, omnium, & singulorum bonorum mobilium, &
immobilium, iurium, & actionum ad eorum eccle-
sias,

stias, beneficia, & pia loca pertinentium; fines, conditionesq; in inuentarium sigillatim describere teneantur; atq; ex eo inuentario exemplaria duo, certa fide munita, conficiantur; quorum alterum in ecclesiarum cathedralium archiuio, quod Episcopo, & capitulo commune sit, alterum verò apud ipsum beneficiatum seruetur.

Archiuia singula in cathedralibus, duabus occludantur clauibus, quarum vnā Episcopus, alteram capitulum seruet, siue archiuij præfectus.

Si augmentum aliquod, vel diminutio, aut permutatio facta sit, ea singulis annis in inuentaria describant.

In visitatione exquirat Episcopus, an integrè, & fideliter sint inuentaria confecta, & an debitis oneribus plenè satisfiat.

Capitularia bona nemini de capitulo locentur.

Post mortem eius, qui beneficium aliquod obtinebat, statim compellantur heredes, vt scripturas quasq; ad illud beneficium pertinentes, quæ in bonis clerici illius inueniuntur, ad Episcopale archiuum, citra præiudicium iurium quorumcumq; reuerendiss. D. Nuntij Apostolici super spolijs, deferant.

Episcopus singulis annis compellat administratores piarum locorum, quouis nomine censeantur, ad reddendam rationem administrationis, nec patiatur relicta ad vnum pium vsum, in alium pro arbitrio administratorum conuerſi; nec locationem fieri, nisi schedulis, publicè affixis, vt omnibus innotescat, ijs concedendas res ad pios vsus relictas, atq; locandas, qui meliorem conditionem obtulerint, vt iuris est.

Bona ecclesiastica neq; propinquis, neq; patronis, neq; cessionarijs locentur.

Heres vltimarum voluntatum exequutor, si quæ piarum causarum nomine legata sunt, ea, si tempore ab ipso testatore statuto, aut ad summum anni spatium, non præstiterit, ab Episcopo, ut piam testatoris voluntatem explere studeat pœnis, à iure statutis, cogatur.

Curabunt beneficiati omnes, cuiuscumq; sint dignitatis, gradus, & qualitatis, ut eorum, quæ ad diuinum cultum suarum ecclesiarum, & ornatum pertinent, nihil desit, & integra sarta tecta; ut decet, adificia conseruentur; & quæ reparatione indigent, instaurentur; parochiasq; & beneficiorum ipsorum iura tueri: quod si semel moniti, vel post sex menses à die publicationis præsentium constitutionum, hæc adimplere, etiam vltierius non vocati, neglexerint, fructuum sequestratione, & alijs iuris remedijs, ab ordinario compellantur, vel ipsemet ordinarius de omnibus necessarijs, arbitrio suo taxandis, mandet provideri, & exequi per deputandum ab eo ex fructibus beneficiorum suo arbitrio.

Cum beneficiati ipsi suorum beneficiorum census exegerint, chirographum recepti censuario faciant, & in libro manu notarij, aut testium duorum subscriptione, sub hoc tenore describat. Ego N. tenore præsentium, me recepisse declaro ducatos & c. ab N. pro parte, siue ad complementum census ducatorum & c. quem singulis annis soluere tenetur de fructibus cuiusdam terræ (seu domus) sitæ & posite in loco, ubi dicitur B. cum suis finibus & c. quem censum soluit mihi pro celebratione missarum in cappella N. in ecclesia

clesia N. posita, de iure patronatus illorum & c. (siue ad collationem ordinarij & c.) in cuius fidem presentis scripti chirographum, in meo solito libro registratum, presentibus testibus & c. feci. datum & c.

Et huiusmodi chirographum registretur, siue geminetur in libro, per beneficiatos omnes de re hac conficiendo; & cum opus fuerit, presentando Episcopo suo, & post illius mortem in archiuo conseruando.

Ecclesiæ domus quorumcumq; clericorum non locentur laicis, nisi de expressa licentia Episcopi, nec etiam, si sint patrimoniales, locentur personis, vita, vel moribus suspectis.

De ludi litterarum magistris.

STATVIMVS, iuxta sacri lateranensis Concilij præscriptum, ut magistri scholarum publici siue priuati adolescentes nedum liberales artes, siue humaniores litteras, verumetiam, ea quæ ad religionem pertinent, docere teneantur, præsertim diebus festis; in quibus missam, ac diuina officia, conciones, lectionesq; sacras audire, & sæpè peccata confiteri compellant.

Ludi magistri conducantur, non solum fidei catholice, & morum probitate, verum etiã, & doctrinæ experimēto, ac dignorū fide testimonio commēdati, qui facta prius corā Episcopo fidei professione, pueris publicè, uel priuati libros, nō solū indice Pij iij. et Apostolica auctoritate damnatos, verū etiã illos, in quibus obscena, inania atq; iocosa continentur minime legant; sed graues, & spirituales

spirituales etiam latinam linguam simul, & pietatem continententes, interpetrentur bonis literis, & moribus christianaq; doctrina erudiant omni studio.

Parochus docendi munus intra suæ parochiæ limites suscipi à nemine permittat absq; ordinarij licentia, & facta fidei professione.

De usuris.

QUONIAM quò frequentiora sunt, & graviora crimina eò diligentius inuigilare, & eis signanter prospicere totis viribus tenetur Episcopus; De usuris, atq; blasfemia, quorum nihil sceleratius humani generis hostis in hominum cordibus, linguis, & operibus potuit infundere, ex multis, quæ prohibentur, & usuram sapiunt, ut brevitati consulamus, hæc tantum ob oculos ponimus.

— Nemini licere quicquam carius vendere, ut statim à venditore, præsentem pecuniam querente, per se, vel per aliam interpositam personam vilius ematur.

Nemo rem aliquam, ob dilatam solutionem, carius iusto prætio vendere; nec ob anticipatam solutionem, res minoris emere.

Neq; pecuniam, frumentum, vinum, oleum, aliudve mutuo detur, ut eo, quod datum est, aliquid amplius exigatur, etiam si operæ sint, vel obsequium, quod pecunia existimari possit, ex diuino mandato: mutuum dantes, nihil inde sperantes; nec aliquid corruptum, ut tantundem integrum, bonumq; reddatur, etiam si restitutio in quodcumq; tempus debitori commodum

dum ad libitum differatur.

Nec etiam pecuniam super naui cymba, vel huiusmodi, aut animalibus accipere, vel dare, quæ ipse accipiens non possidet; vel qui dat accipientem ipsa habere non credit, liceat ullo modo.

In societate, in qua pecuniam alter, alter operas confert, lucri distributio non aliter cõstituatur quàm per quotas partes, nec ultra eas certa pecuniarum summa, vel aliquid aliud pecuniam conferenti persoluitur: neq; pactio fiat, ut sors, siue principale saluum sit; fructus verò communiter diuidantur.

In animalium societate, quæ alicui inexestimata traduntur ad custodiam, siue, ut operas præstet, omnes casus, etiam fortuiti, semper periculo eius sint, qui illa dederit; nisi damnum alterius socij dolo, vel eius magna negligentia accidisse constiterit.

In locationibus animalium, quæ certo pretio fiunt; si illa absq; dolo, vel eius, qui conduxit negligentia; deteriora fiant, id semper damno eius sit, qui locauit, si autem extimata animalia dentur, ita ut dantis sors salua sit, nihil omnino, ultra sortem percipi posse, statuimus.

Cambia, quæ sicca appellari consueuerunt, quoniam ad destinatum locum littere verè non mittuntur; neq; ibi solutio fit, sed vno & eodem loco datur pecunia, & recipitur, reprobamus.

Notarij, verò, huiusmodi contractus conficientes, vel instrumentum, quod ad gaudendum dicitur, cum ex conscientia clarè cognoscunt, vel vehementer suspicantur, eos aliquid usurariæ prauitatis continere, vel id scire dissimulantes, aut contractus illos, in quibus anticipata

icipata sit solutio census, vel, qui palliatam vsuram præferunt, ultra pœnas, à iure statutas, grauiter arbitrio ordinarij, puniantur.

Contractus, & instrumenta, quæ ad gaudendum dicuntur, nisi ex piorum, peritorumq; consilio doctorum ordinentur, nulla, & irrita, decernimus.

De blasphemia.

VT impium, & detestandum blasphemie scelus tam diuinis quàm humanis legibus, è medio tollatur, pœnis ab utroq; iure, & summorum Pontificum decretis, atq; ijs, quæ à lateranensi Concilio, sub Leone x. sancitæ sunt statutas, tam clerici, quàm laici cuiuscumq; conditionis blasphemum seuerè ab Episcopo puniantur; ac de tam graui facinore, maximè contra hereticas blasphemias, diligens inquisitio fiat.

Qui blasphemantes audierit, infra triduum, eorum nomen ad iudicem ecclesiasticum, & secularem deferat; & si plures simul audierint, singuli idem faciant.

Attenta impia blasphemie frequentia, cui malo aliter mederi non potest, statuimus, quod vnus testis in foro ecclesiastico fide dignus, qui secretus à curia teneatur, sufficiat ad inquirendum contra blasphemum, arbitrio Ordinarij, prout casus exegerit.

Pœne tamen predictæ omnes corporales, & pecuniariæ (quæ pijs applicentur locis) ab Episcopis, vel eorum Vicarijs augeri, minuiue possint, prout magis ipsis expedire visum fuerit, dummodo tale arbitrium limites à iure permisse potestatis, non excedat,

In foro

In foro conscientia: & qui blasphemie reus fuerit, non leuem, sed pro modo culpæ condignam poenitentiam confessorius imponat.

De sententia excommunicationis, & foro iudicali.

P O E N A M excommunicationis solus Episcopus, nisi fuerit absens, non illius Vicarius imponat, neq; comminetur.

Lata sententiæ excommunicationis pœna, per synodales quascumq; constitutiones ordinariorum in provincia imposita, præsentii sublata decreto censeatur, exceptis casibus, in quibus incurrendum esse Episcopus iudicabit: & nisi ex grauissimis causis, atq; delictis, in subsidium tantum, quando alia pœna locum habere non potest, excommunicatio nullo modo irrogetur, nec nominetur quidem.

Excommunicationum littere pro re criminosa, & quæ infamiae notam inurit, non facile concedantur, nec pro re non omnino occulta, neq; pro re illa, quæ amissa, aut à tam longo tempore sublata, ut illius memoria de facili haberi non possit: nec contra certum debitorem quæ pro rebus, quæ in monitorijs litteris exprimuntur, satisfacere non posse, constat; neq; etiam, ubi negligi, aut contemni posse verisimiliter, dubitatur.

Episcopi verò, ad tollendos conscientiarum scrupulos, quamprimum, post præsentium publicationem, vel in die cœnæ Domini, mentem suam declarabunt in suis ecclesijs,

ecclesiis, super quibus synodalibus constitutionibus, alijsq; casibus velint pœnam excommunicationis habere locum.

Excommunicationis pœna, si quando ab Episcopo, ob graues causas, vel rebus deperditis, magni valoris, ubi aliter veritas haberi non potest, seruatisq; , que de iure, & Pontificum, præsertim Pij quinti sanctionibus, requiruntur, in ecclesia tantum non autem in priuatis locis, neq; pascualibus, aut solemnioribus eius diebus, sed alijs temporibus publicentur; nisi ex causa, & de expressa Episcopi licentia.

Originales processus acta, & instrumenta de loco curiæ, vel ædibus iudicis, siue actuarij, nullo modo, nec sub prætextu inspiciendi ab aduocato, & consultore longe agente afferantur, aut asportentur, nec copia deur, nisi de Episcopi, vel eius Vicarij licentia; contra facientes, tam dantes, quam accipientes non leuibus pœnis afficiantur.

Appellationes, præterquam in casibus à Concilio Tridentino permissis, ab interlocutoria non admittantur, neq; sub prætextu videndi acta ad metropolitanum transmittantur.

Curabunt Episcopi singuli post hanc synodum statim, vel quanto citius licebit, visitationem generalem instituere pro executione synodaliū Decretorum.

Et quoniam à Sanctissimo D. N. publicæ utilitatis prouinciæ surrentinæ causa, nonnulla petenda sunt, præsertim, quæ ad institutionem seminarj, & præsentium confirmationem pertinent, statuimus, atq; decernimus, quod quicquid communibus nostris, & comprouincialiū Episcoporum litteris, postulabitur, id huiusmodi ipsius synodi

synodi nomine, & auctoritate factum intelligatur, perinde ac si publicè in sessione postulatum esset.

De Monialibus.

CONSTITUTIONIBUS monialium, hætenus singulis monasterijs iuxta proprias ipsorum regulas publicis, in præsentī synodo nihil addendum censuimus; sed illarum executionem, ampliationemq; ordinum diligentia, atq; iudicio committimus.

Episcopi curabunt omnino, ut ædificia, & habitatio ipsarum monialium, quæ arcto nimium ambitu clausa, & incōmoda cernuntur, commodiorem, tutioremq; formam nomine monasteriorum dignam, & virginibus Deo dicatis conuenientem, recipiant, & aptentur; ut quod Dei beneficio cœptū est in aliquibus, ita, & in reliquis prouinciæ monasterijs ad communem vitæ rationem, & exactam regularum observationem, sublata rerum omnium proprietate, moniales instituuntur.

In quibus monasterijs certus numerus nondum est præfinitus, intra sex menses ab episcopo is declaretur, qui pro modo, & facultate loci, seruata cuiusq; ordinis viuendi regula, subflectari commodè possit, ut Tridentini Concilij sanctione cauetur.

Et interim nulla futura monialis ingredi monasterium, vel ingressa vestiri permittatur, nisi magna inde, & euident monasterij utilitas enascatur, ordinarij arbitrio, & de monialium omnium expresso cōsensu.

Quod moniali ingredienti monasterium datur, deinceps dos non dicatur; sed sub nomine alimentorum ipsius

ipſus ingreſſæ concipiatur :

De ipſis alimentis, ac ſubuentione, quæ dos dicebatur, pro moniali monaſterio perſoluenda, nihil certi ſtatuendum eſſe, neq; ſtatutum ab ordinarijs valere, ſed prout qualitas perſonarum, ac temporum poſtulat, eſſe faciendum : quod ſacra etiam Illuſtriſſimorum Cardinalium congregatio cenſuit, determinamus, ſtatui-
mus, & declaramus.

Nulla puella monaſterium ingredi, vel habitum ſuſcipere, ſiue profiteri religionem admittatur, niſi de conſenſu monialium maioris partis, per tacita ſuffragia colligendo; ad profeſſionis verò emiſſionem nulla admi-
ſtetur, niſi eleemoſynis, cenſu, ſiue pecunia, quæ pro prædictis alimentis, quæ dos dicebatur, dari debet, integre monaſterio, peracto demum probationis tempo-
re perſolutis, aut in tuto ipſarum monialium, & or-
dinarij arbitrio collocatis, ſeruatiſq; conſtitutionibus, ac cæteris, ſeruari conſuetis, quamdiu autem nouitia in probatione eſt, excepto illius temporis victu, & veſtiu, nihil monaſterium accipiat; iuxta Decretum ſa-
cra Concilij Tridentini.

Quod, ad puellarum educationem attinet, illud in primis ſeruari diſtinctè mandamus, quod literis Illu-
ſtriſſ. & Reuerendiſſ. Cardinalis ſancti Sixti fuit alias nobis ſignificatum, & iniunctum, quarum tenore pro-
pterea hic inferi volumus, cæteris, quæ de eare, op-
timè tractanda, in noſtris conſtitutionibus, ac monia-
lium regulis cautum eſt, in ſuo robore permanenti-
bus.

Tenor verò literarum talis eſt.

Reuerendiſſ.

Reuerendiss. D. uti fratri Archiepiscopo Surrentino.

REVERENDISS. Domine. Iamdium Illustriss. Cardinales præpositi decretis sacri Tridentini Concilij interpretandis statuerunt, nullo Concilij decreto prohiberi, ne puellæ in monasterijs monialium educentur, quorū mos, & institutū huic consuetudini nō repugnet, & cū eis proximè supplicatū esset nomine Faustinae Curialis, ut liceat eā collocari in monasterijs monialiū Sanctiss. Trinitatis ordinis Sancti Benedicti istius ciuitatis, in quo honestè, ac piè instituatur, Amplitudine tuā, admonitā meis litteris esse voluerunt, ut hanc illi potestatem faciat, si tandem idē monasteriū ante hoc tēpus consuevit huiusmodi puellas admittere, eaq; à superiori regulari monasterij scriptā licentiā impetrauerit, & Abbatissæ, ac reliquarū monialiū cōsensus accesserit, ipsa autē puella eo vestitu in monasteriū intromittatur, qui virginali modestiæ, ac pudori conueniat, nullaq; famulā secū adducat, nec permanere in eo possit, nisi vsq; ad ætatis suæ annū xxv. & ibi dū erit eandē seruet clausuræ legē, quā moniales seruant; quo ex loco si semel exierit, nullam postea illuc reuertēdi habeat facultatē. His igitur cautionibus adhibitis, dictā puellā in monasteriū prædictū recipi, & quo ad annis xxv. minor erit, ibidē etiam institui, atq; educari amplitudo tua permittet, cui bonā valetudinē, & omnia fausta à Deo precamur, Romæ die xxiiij. Octobris M. D. LXXVI.

Vti frater.

Philippus Boncompagnus Cardinalis S. Sixti.

H De

DELICTA puniantur, prout de iure, vel cōsuetudine, secundum qualitatem ipsorum, cautum est, non autem ob pecuniam, aut alterius rei gratia, dissimulentur.

Vbi nulla est legibus, aut constitutionibus nostris synodalibus, neq; de iure, vel consuetudine certa statuta pœna aduersus inobedientes, & contumaces, arbitrium sit Episcopo, vel eius Vicario, quam maluerit imponere, prout qualitas delicti, ac delinquentis suadebit.

Quod si delicti causa, multa quandoq; veniat imponenda, nihil ex ea in Episcopi, vel Vicarij priuatam utilitatem retineatur; sed si videbitur, tertia vel quarta delatori, vel exequutoribus tantum applicanda; reliquum ecclesiae, & pijs operibus erogetur.

Ex pœnis verò, in hac prouinciali synodo expressis, declaramus, non censeari derogatum cæteris, quæ vel iuris communis dispositione, vel quauis sanctione generali, vel particulari aduersus eosdem ipsos delinquentes, sunt introductæ; sed vel cumulandas, vel iudicis arbitrio eligendas, atq; declarandas.

Et quibus multa imponitur, si sint soluendo, Episcopus pœnam non remittat, neq; minuat, nisi graui ex causa.

Si verò soluendo non sunt, nè delicta remaneant impunita, luant in corpore, remediaq; delictis contraria applicentur, ut sic vitia virtutibus curentur, & ordinarij arbitrio condignè puniantur.

Omnia,

*Omnia, & singula, quæ in hac synodo decreta, acq̃;
sunt, qua debemus obedientia, ac reuerentia, aucto-
ritati, & iudicio S. R. E. omnium ecclesiarum matris,
& magistræ, semper emandanda, & corrigenda subij-
cimus.*

*Si quid in hac sancta synodo contra sacrosancti
Concilij Tridentini sanctiones (quod absit) repertum
fuerit, ipso facto, & iure irritum sit, & pro non de-
creto habeatur.*

*Si quid difficultatis, aut dubitationis in his decretis sy-
nodalibus ortum fuerit, maturo Archiepiscopi iudi-
cio, & successorum, determinandum, atq; declaran-
dum, reseruatur vsq; ad alteram synodum prouincia-
lem proximè futuram; salua semper Sedis Aposto-
licæ auctoritate.*

*Acta Mediolanensis ecclesiæ, summa ratione, atq;
consilio diuino certè afflante spiritu, nostris tempori-
bus pro bono ecclesiarum regimine, non tantum illius
prouinciæ, sed & aliarum, quarum rectores eisdem de-
lectari contingerit, in lucem edita, & Sedis Aposto-
licæ iudicio comprobata, vnaqueq; cathedralis, & pa-
rochialis ecclesia huius nostræ prouintiæ habeat, ad il-
laq; in quantum locorum, personarum, atq; temporum
conditio ferre poterit sese, accommodet, atq; dirigat.*

*Liceat de Episcoporum comprouincialium consen-
su constitutionibus his, imprimendis, quæ ad diuinum
culum, & mores attinent, aliqua addere, vel mi-
nuere, iuri, & ecclesiasticis constitutionibus consen-
tanea, salua præsentium constitutionum, validitate.*

Confirmatio presentis synodi.

REVERENDISS. Domino vii frater Domino Archiepiscopo Surrentino &c.
 Reuerendiſſ. Domine vii frater. Decreta prouincialis synodi Surrentinae, quæ amplitudo tua ad Sanctiſſ. Dominum noſtrum miſit, viſa, & conſiderata fuerunt à ſacra Congregatione Cardinalium Concilij Tridentini interpretum, quibus ea res commiſſa fuit. Itaq; nunc illa ipſa, cum quibuſdam notis in prædictæ ſynodi margine, ac etiam ſeparatim, deſcriptis, ex ſ. ſuæ auctoritate ad amplitudinem tuam remittuntur, vt iuxta eas ſynodum ipſam aptandam, edendam, atq; exequutioni mandandam curet. Id quod cum eam diligenter ſcéluram non dubitemus, quod ſupereſt, bonam ei valetudinem, & in iſto grege cuſtodiendo vigilantiam, precamur. Romæ, die xij Martij M. D. LXXXV. Amplitudinis tuæ.

vi frater

Philippus Boncompagnus Cardinalis
 Sancti Sixti.

Al Ill. & Reuerendiss. Signor come fratello Monsignor l' Arcivescouo di Sorrento.

I L. L. & Reuerendiss. Mons. come fratello &c.
 Si rimanda à V. S. il suo Sinodo prouintiale con le
 annotationi de questi Illustriss. miei Sig. non resti al-
 tro, se non, che conseguiti vna pronta effecutione à
 tante buone constitutioni. & mele racomando, & of-
 fero sempre di core, che Dio la prosperi in sua gratia
 Di Roma il di 22. di Marzo M. D. LXXXV.

D. V. S. Ill. & Reuerendiss.

Come fratello Amoreuole

A. Cardinale Carrafa.

*Synodus Diœcesana surrentina
 sub Reuerendiſſ. D. Iosepho
 donzello Archiepisco-
 po habita anno
 1585.*

IN qualibet synodo Diœcesana legatur, & fiat
 scrutinium iux. scrutinium Bononiense. Item le-
 gantur, & quatenus opus sit, declarentur monitiones
 synodales, de quibus Conc. Mediol. 4. & aliquid de tra-
 ctatu silentij, de quo, per Nauarrum.

Fiat liber, in quo describantur omnia edicta, quæ
 sunt per Reuerendiſſ. Archiep. vel eius Vicariũ, cum si
 de publicationis eorundem, & seruentur in archiuio.

Non habentes bullas suorum beneficiorũ intra men-
 sem, ab hodie computandum, intelligantur, & sint eo-
 rundem beneficiorum iure, ipso facto, priuati.

Olea sacra maioris ecclesiæ caute custodiantur in sa-
 cristia palatij, vnâ cum reliquijs, & in Parochijs in lo-
 co tuto, & bene clauso, ita quod clauis sit semper pe-
 nes Parochum, & non alium.

Reliquia maioris ecclesiæ argento, ac vitro inclusa,
 ac firmiter clausa perpetuò ita maneant, vt nemini in
 posterum aperienda, vel intus vasa inspicienda conce-
 dantur, sub pœnis in declaratione iom facta, de qua
 per infl. decretis præsentis synodi, alligandum.

Lapides ecclesiæ marmorei ab ecclesia, vel palatio
 Archiepiscopali nō extrahantur neque vendi, aut quo

nis alio modo alienari, nec laicis concedi, liceat.

Edificetur prope ecclesiam cubiculum pro sacristano, & clericis eidem inservientibus, communibus expensis ecclesiae, & seminarij; & carceres etiam à seminario disiungantur.

In seminario non recipiantur clerici minores annis duodecim; & illi tantum, de quibus certa spes erit ecclesiae in omnibus necessarijs die noctuq; iux ordinum functiones, satisfacturos.

Præbendati sciant se teneri in missarum celebratione sæpe memoriam facere defunctorum, qui fructus beneficiorum, & præbendas reliquerunt; & pro eis etiam horarias preces mortuorum persolvere.

Præbendati, & obnoxij quotidianis canonicis horis, in ecclesia decantandis nihil percipiant ex distributionibus quotidianis, vel integras præbendas, mensæ capitulari communicent, prout alias in prima dioecessana synodo fuit statutum.

Similiter & qui missis celebrandis suis loco, & tempore deficiunt, etiam multa soluta, teneri missarum celebrationi nihilominus pro ipsis defunctis, quanto citius, adhuc satisfacere.

Chori præfectus constituatur, qui insignibus Canoniorum gaudeat, in choro sedeat, & officium exerceat, ut moris est in alijs ecclesijs, in quibus habetur hæc dignitas; & eo absente, illius locum teneat, & officium exerceat dignior, qui presens tunc fuerit in ecclesia.

Chori præfectus eligitur Abbas Marcellus falangola; qui pro nunc sedebit inter Canonicos, post R. e. u. Cortisium immediatè.

Thesaurarius sit dignitas, ut in alijs prouinciæ eccle-

sus, qui actu fideliter, & diligenter officium exerceat, & cautionem præstet, eligatur idoneus, & non, nisi de voto, & assensu, totius Capituli, approbatus.

Prædia Ecclesiæ non locentur, patronis, nisi ex magna causa, & evidenti Ecclesiæ utilitate, per Ordinarium, prius discussa, recognita, & approbata.

Absolutio à iuramento nemini concedatur, nisi prius per testes duos saltem, fidedignos, summarie, & extraiudicialiter examinandos, verisimiliter curiæ Archiepiscopali constiterit de bono iure petentis ipsam absolutionem; ne facilis via litibus & vexationibus aperiat.

Non concedatur contrahi matrimonium per verba de presenti intra tempora à Sacro Concilio Trid. vetita, nisi ex magna causa; quia compertum est, quod post huiusmodi dispensationem, ut plurimum sequitur consummatio matrimonij ante benedictionem, & quod statim in conuiuijs, & choreis tempus infumitur.

Non audiantur à Confessarijs pœnitentes paschæ tempore, præsertim rudes, qui secum non habuerint coronam, vel ignorant credo; sed transmittantur ad Episcopum, pro habenda in scriptis licentia, exceptis mulieribus, quas satis erit præmonere, & grauiter increpare.

Parochi omnes habeant librum, in quo describant morientes, diem mortis, et legata pia, per ipsos morientes relicta, & diem testamenti, & nomen notarij rogati; nec mortuos sepeliant, nisi prius habita fide in scriptis relictorum ad pios vsus, appposito die facti testamenti, & nomine Notarij.

Statuatur terminus unicuique Ecclesiæ parochiali, intra quæ ab hominib' parochiæ cōgrua merees Parocho, quæ

quæ nō sit minor triginta aureis, cauta omnino reddatur

Habeant librū Parochi, in quo describantur pauperes miserabiliores, quos omni cura, atq; ope iuuare, & tenentur, euigilabunt, & populo cōmendabūt, ut pro ipsis collecta fiant: & in dispensatione panis primi vocentur, & vberiore eleemosinam recipiant.

Dispensatio eleemosynarum siue panis non fiat, nisi verē pauperibus, neque sub titulo, & prætextu iurispatronatus, & ijs tantū, qui fidem scriptam paupertatis à proprio Parocho signatam, secum attulerint.

Curabunt Parochi omnes, ut in sua parochia erigatur societas, siue mons pietatis, pro pauperibus infirmis adiuuandis, ac puellis pauperibus matrimonio collocandis.

Medici ac chirurgici statim, ubi ad infirmum vocati fuerint, illum admoneant ut peccata confiteatur; horteturq; ut illius familia tota idem præstet, quo facilius à Deo sanitas corporis, simul & animæ impetretur, nec id infirmum redeant, nisi fide confessarij scripta constiterit, eundem infirmum paruisse, & ipsorum infirmorum notitiam Parocho dare non differant.

Parochi statim, ubi intellexerint aliquem in sua parochia infirmum, ipsum, & illius familiam peccata confiteri paternis hortationibus, curabunt, pijsque meditationibus, orationibus, quibus commodè possunt, & singuli fideles tenentur, præsertim infirmi, vacare, & singulis quindecim diebus, si longa erit infirmitas de nouo confiteri, seu reconciliari, hortetur, pariter, & paupertate laborantem populo,

populo, & ijs, qui possunt subuenire, commendare non cessent.

Capellæ maiori ecclesiæ, & parochialium ecclesiarum, nondum dotatæ, nec ornatae debitis, & consuetis ornamentis, dotentur, & provideantur de necessarijs à patronis intra duos menses à publicatione præsentis decreti, aliter censeantur patroni dictis cappellis, & sint ipso iure priuati.

Qui possident missas, celebrandas in ecclesia maiori, teneantur habere propria indumenta sacerdotalia, siue paramenta, pro missis celebrandis, iux. decretum Concilij prouincialis, intra terminum duorum mensium, à publicatione præsentis decreti computandū, sub poena ducatorum quinquaginta, fabricæ eiusdem maiori eccl. applican. & suspensionis ab ordine, & beneficijs, ex nunc pro ut ex tunc in casu contrauentionis, ipso facto incurrenda, nisi longiorem dilationem, ex iusta causa concedendam, scriptam à nobis, vel nostro Vicario obtinuerint.

Sub eisdem pœnis teneantur præbyteri, & clerici omnes, intra prædictum tempus habere libros, alias iniunctos, & ipsis necessarios.

Reuer. Vicarius singulis annis, & quoties opus erit, videat, & recognoscat, an sacerdote missas celebrantes, ritè, & rectè munus suum iuxta ritum, Sanctæ Romanæ Ecclesiæ, peragant, missamq; illorum priuatè audiat, & paternè corrigat.

Constituatur terminus reparationi ecclesiarum, & prouisioni ornamentorum ac necessariorum Abbatiarum S. Petri ad Crapollam, & al maritimarum magnam sub pœnis arbitrio Reuerendiss. Archiepiscopi.

Abbas

*Abbas Angrisanus præsentet capellanium, & re-
stituat fructus intra mensem, alids careat iure præsen-
tandi, & beneficium capellaniæ ab adepta possessione
abbatiæ S. Petri vacasse intelligatur.*

*Recognoscatur defectus missarum, & diuinorum of-
ficiorum non satisfactorum, & illorum fructus, siue
multa expendatur in vsus sacristiæ maioris ecclesiæ.*

*Diuina officia nullo pacto in ecclesiâ fiant extra cho-
rum, & silentium indictum ibidem omnino seruetur.*

F I N I S.

Index titulorum præsentis synodi.

- D**E fidei professione & iuramento præstado c. 7
 De ecclesiarum ædificijs, & ornatu. 12
 De reliquijs & sacris imaginibus, actionibus, & representationibus sacris. 17
 De Episcopis. 18
 De vita, & honestate clericorum. 22
 De parochis. 26
 Communia de ministris, & quotidianis distributionibus. 31
 De modo congregandi Capitulum. 32
 De officio eius, qui in choro præsidet. 33
 De officio magistri chori, & cærimoniarum. 34
 De officio sacriste. 35
 De exorcistis. 36
 De cantoribus, & musica. 38
 Quomodo versandum sit in choro, & recedendum ab eo. 39
 De pertinentibus ad celebrationem Missarum, & divinatorum officiorum. 40
 De prædicatione verbi Dei. 47
 De regularibus. 50
 De festorum dierum observatione, & cultu. 51
 De processionibus. 52
 De his quæ pertinent ad Sacramentorum administrationem. 53
 De Sacramento Baptismi. 54
 De Sacramento Confirmationis. 56
 De Sacramento pœnitentiæ. 57
 De Sacramento Eucharistiæ. 61

- De Sacramento Eſtremæ Vnctionis. 64
 De Sacramento Ordinis. 65
 De Sacramento Matrimonij. 95
 De Ieiunio. 96
 De eleemoſynarum diſtributionibus. 97
 De funeribus, & exequijs defunctorum. 99
 De beneficiorum collatione 101
 De adminiſtratione bonorum, & iurium eccleſiaſti-
 corum. 102
 De ludi litterarum magiſtris. 105
 De uſuris. 106
 De blaſphemia. 108
 De ſententia excommunicationis, & foro iudiciali.
 109.
 De Monialibus. 111
 De pœnis. 114
 Confirmatio ſynodi. 116

F I N I S.

Imp. P. Regius Episcopuſ Equenſis.

Regiſtrum.

A B C D E F G H.

VICI Æquenſi Apud Ioſephum
 Cacchium.

M. D. LXXXVII.

* celeberr
 plurimor
 Opera Curator

